



“ 12 ” 04 2021y

№ 01/00-04/17-4260

Ўзбекистон Транспорт, йўл ва капитал
қурилиш, қурилиш индустрияси
ходимлари касаба уюшмаси
Республика Кенгашига

Ўзбекистон Республикаси Бандлик ва меҳнат муносабатлари вазирлиги
2021 йил 12 мартдаги АН-104/07-сонли хатга жавобан қуйидагиларни маълум
қилади.

Ўзбекистон Транспорт, йўл ва капитал қурилиш, қурилиш индустрияси
ходимлари касаба уюшмаси Республика Кенгаши ҳамда
“Тошшаҳартрансхизмат” Акциядорлик жамияти ўртасида ижтимоий-
иқтисодий масалаларга оид 2021-2023 йиллар учун тузилган тармоқ келишуви
Ўзбекистон Республикаси Меҳнат кодексининг 51-моддасига асосан Б-15-сон
билан билдириш рўйхатидан ўтказилди.

Илова: __ варақда

Вазир ўринбосари

Н.Якубов

**“Тошшахартрансхизмат” АЖ ва Ўзбекистон транспорт, йўл ва капитал
қурилиш, қурилиш индустрияси ходимлари касаба уюшмаси Республика
Кенгаши Раёсатининг қўшма**

ҚАРОРИ

Тошкент ш.

2021 йил « 12 » март
№ 6-45/250

2021 йил « 09 » сентябр
№ 2-17ис

Ўзбекистон Республикаси Конституцияси, Ўзбекистон Республикасининг Меҳнат кодекси, «Аҳолини иш билан таъминлаш тўғрисида», «Меҳнатни муҳофаза қилиш тўғрисида», «Касаба уюшмалари тўғрисида», «Ижтимоий шериклик тўғрисида»ги Қонунлари, Ўзбекистон Республикасини 2017-2021 йилларда ривожлантиришнинг бешта устувор йўналиши бўйича Ҳаракатлар Стратегияси, Ўзбекистон Республикаси Вазирлар Маҳкамаси, Ўзбекистон касаба уюшмалари Федерацияси, Ўзбекистон Иш берувчилари Конфедерацияси ўртасида ижтимоий-иқтисодий масалалар бўйича 2020-2022 йиллар учун имзоланган Бош Келишуви ва бошқа норматив-ҳуқуқий ҳужжатларга амал қилиб, ижтимоий шерикчилик тамойилларни, ишчиларнинг ҳуқуқлари ва манфаатлари ҳимоясини амалга ошириш мақсадида “Тошшахартрансхизмат” АЖ ҳамда Ўзбекистон транспорт, йўл ва капитал қурилиш, қурилиш индустрияси ходимлари касаба уюшмаси Республика Кенгаши Раёсати

ҚАРОР ҚИЛАДИ:

1. “Тошшахартрансхизмат” АЖ тизимидаги корхона ва ташкилотлари ходимларини меҳнат шaroитлари, уларга тақдим этиладиган ижтимоий имтиёз ва кафолатлар тўғрисидаги 2021-2023 йиллар учун тармоқ тариф Келишуви ижро учун қабул қилинсин.

2. Келишувни Иш берувчилар номидан имзолаш “Тошшахартрансхизмат” АЖ Бошқаруви раиси А.З.Джураев ва меҳнат жамоалари номидан касаба уюшмаси Республика Кенгаши раиси А.К.Нугмановга топширилсин.

3. “Тошшахартрансхизмат” АЖ таркибига кирувчи барча ташкилотларни раҳбарлари ва касаба уюшма қўмитаси раисларига Келишув билан ўрнатилган икки томонлама мажбуриятларни жамоа шартномаларига киритиш ва уларни бажариш вазифаси юклатилсин.

4. Мазкур Келишув бажарилиши устидан назорати “Тошшахартрансхизмат” АЖ ҳамда Ўзбекистон транспорт, йўл ва капитал қурилиш ходимлари касаба уюшмаси Республика Кенгаши томонидан тузилган икки томонлама комиссиясига юклатилсин.

**“Тошшахартрансхизмат” АЖ
Бошқаруви раиси**



А.З.Джураев

**Ўзбекистон транспорт, йўл ва
капитал қурилиш, қурилиш
индустрияси ходимлари касаба
уюшмаси Республика Кенгаши раиси**



А.К.Нугманов

“Тошшаҳартрансхизмат Акциядорлик Жамияти ҳамда Ўзбекистон транспорт, йўл ва капитал қурилиш, қурилиш индустрияси ходимлари касаба уюшма Республика Кенгаши ўртасидаги 2021-2023 йиллар учун

ТАРМОҚ ТАРИФ КЕЛИШУВИ

«Тошшаҳартрансхизмат» Акциядорлик Жамияти ва Ўзбекистон транспорт, йўл ва капитал қурилиш, қурилиш индустрияси ходимлари касаба уюшмаси Республика Кенгаши (бундан буён-Республика Кенгаши) ижтимоий шерикликни ривожлантириш мақсадида ходимларнинг меҳнат, иш ҳақи, уларнинг бандлиги ва ижтимоий кафолатлари борасида музокаралар олиб бориш, келишув ва жамоа шартномаларини тузиш ҳуқуқини тан олади ҳамда ушбу тармоқ Келишувининг тарафлари бўлиб ҳисобланади.

Мазкур Тармоқ келишуви (бундан буён-Келишув) Ўзбекистон Республикаси Конституцияси, Ўзбекистон Республикасининг Меҳнат кодекси, «Аҳолини иш билан таъминлаш тўғрисида», «Меҳнатни муҳофаза қилиш тўғрисида», «Касаба уюшмалари тўғрисида», «Ижтимоий шериклик тўғрисида»ги Қонунлари, Ўзбекистон Республикасини 2017-2021 йилларда ривожлантиришнинг бешта устувор йўналиши бўйича Ҳаракатлар Стратегияси, Ўзбекистон Республикаси Вазирлар Маҳкамаси, Ўзбекистон касаба уюшмалари Федерацияси, Ўзбекистон Иш берувчилари Конфедерацияси ўртасида ижтимоий-иқтисодий масалалар бўйича 2020-2022 йиллар учун имзоланган Бош Келишуви (бундан буён-БК) ва бошқа норматив-ҳуқуқий ҳужжатлар асосида ишлаб чиқилган бўлиб, ундаги шартлар тизимдаги барча ходимларнинг ижтимоий-иқтисодий ҳуқуқлари ва имтиёзларининг энг қуий даражасини кафолатлайди.

Томонлар Ўзбекистон Республикасининг Президенти Ш.М.Мирзиёевнинг иқтисодиётни янада эркинлаштириш ва ривожлантириш, аҳоли турмуш даражасини кўтаришга доир ғояларини сўзсиз бажарилиши зарурлигини тасдиқлаб, ходимлар ва иш берувчиларнинг ҳуқуқлари ва ижтимоий-иқтисодий манфаатларини ҳимоя қилишни таъминлаш борасида ўзаро амалий ҳамкорлик қилиш, ходимларни ҳаёт даражасини мутассил ошириш, корхоналарда ижтимоий тотувлик ва барқарорликни сақлаш учун самарали ҳамкорликни йўлга қўйиш, ижтимоий шериклик тамойилини амалга ошира бориб, ижтимоий-иқтисодий масалалар ҳусусида келишиб сиёсат олиб боришнинг умумий принципларини белгилаб берувчи мазкур тармоқ тариф Келишувни туздилар ва ўз зиммаларига қуйидаги йўналишлар бўйича мажбуриятларни олдилар:

І.Тарафларнинг ҳамкорликдаги мажбуриятлари:

1.Ўзбекистон Республикаси томонидан ратификация қилинган Ҳалқаро Меҳнат ташкилотининг қуйидаги Конвенцияларига оғишмай риоя этилишини таъминлаш ва ҳар йили бажаралишини таҳлил қилиб бориш:

-“Зўраки ёки мажбурий меҳнат тўғрисида”ги 29-сонли Конвенция ва шу Конвенцияга Баённома;

-“Қирқ соатлик иш ҳафтаси тўғрисида”ги 47-сонли Конвенция;

-“Ҳақ тўланадиган таътил тўғрисида”ги 52-сонли Конвенция;

-“Меҳнат инспекцияси тўғрисида”ги 81-сонли Конвенция;

-“Бирлашмалар эркинлиги ва касаба уюшмаларига бирлашиш ҳуқуқини ҳимоя қилиш тўғрисида”ги 87-сонли Конвенция;

“Жамоа музокараларини ташкил этиш ва юритиш ҳукуки принципларини қўллаш тўғрисида”ги 98-сонли Конвенция;

-“Тенг аҳамиятли меҳнат учун эркаклар ва хотин-қизларга тенг ҳақ тўлаш тўғрисида”ги 100-сонли Конвенция;

-“Оналикни муҳофаза қилиш тўғрисида”ги 103-сонли Конвенция;

-“Мажбурий меҳнат тугатиш тўғрисида”ги 105-сонли Конвенция”

-“Меҳнат ва иш турлари соҳасида камситишлар тўғрисида”ги 111-сонли Конвенция;

-“Иш билан таъминлаш соҳасидаги сиёсат тўғрисида”ги 122-сонли Конвенция;

-“Меҳнаткашларнинг вакиллари тўғрисида”ги 135-сонли Конвенция;

-“Ишга қабул қилиш учун энг кичик ёш тўғрисида”ги 138-сонли Конвенция”;

“Болалар меҳнатининг энг ёмон шакллари тўғрисида”ги 182-сонли Конвенция.

-“Халқаро меҳнат нормалари қўлланишига кўмаклашиш учун уч томонлама маслаҳатшувлар тўғрисида”ги 144-сонли Конвенция;

-Жамоа музокараларини олиб бориш тўғрисида”ги 154-сонли Конвенцияси.

2. Томонлар мазкур Келишувида ходимлар учун ўрнатилган меҳнат шартлари, иш билан таъминлаш ва ижтимоий кафолатлар белгилаш борасидаги мажбуриятларни ўз ичига олувчи ижтимоий шерикликнинг норматив ҳужжати деб эътироф этадилар ҳамда Келишувга амал қилиб, унинг барча шартларини бажариш мажбуриятларини ўз зиммаларига олади.

3. Келишув «Тошшахартрансхизмат»АЖ тасарруфидаги барча корхоналари ходимлари ҳамда касаба уюшмаси кўмиталарига татбиқ этилиб, корхоналарда тузиладиган жамоа шартномалари учун асос бўлади.

4. Ўзбекистон Республикаси Меҳнат Кодексининг 9-моддасига мувофиқ, касаба уюшмаси ташкилотлари меҳнат тўғрисидаги қонун ҳужжатлари ва меҳнатни муҳофаза қилиш қоидаларига риоя этилишини текшириш ҳамда бажарилиши устидан назорат ўрнатади.

5. «Тошшахартрансхизмат»АЖ раҳбарияти касаба уюшмаси Республика Кенгаши билан ҳамкорликда тармоқ корхоналар раҳбарлари, кадрлар бўлими мутахассислари, ҳуқуқшунослар ҳамда касаба уюшмаси кўмитаси раислари учун тизимли равишда меҳнат қонунчилигини бузилишларини олдини олиш ва меҳнат муносабатларини тартибга солиш масалаларида ҳамкорлиги таъминланади (*БКнинг 11-моддаси*) ва мунтазам равишда ўқув-семинарлар ташкил қилади.

6. 2019 йил 6 декабрда имзоланган “Касаба уюшмалари тўғрисида” ги Қонуннинг мазмун моҳиятини кенг тарғиб қилади, шунингдек Қонуннинг 9-моддасига кўра “Касаба уюшмалари ўз фаолиятида, шу жумладан молиявий фаолиятида давлат ҳокимияти ва бошқаруви органларидан мустақил” эканликларини ҳамда 34-моддасига асосан “Жамоа шартномалари ва келишувлари талабларига риоя этилиши устидан жамоатчилик назоратини иш ўринларида амалга ошириш” каби ҳуқуқларига қатъий амал қиладилар.

7. Долзарб ижтимоий-иқтисодий масалаларни муҳокама қилиш учун касаба уюшмаси фаоллари ва вазирлик вакиллари билан давра суҳбатлари, жамоатчилик эшитувларини ташкил қилади (*БКнинг 68-моддаси*).

8. Халқаро меҳнат стандартларининг мазмун-моҳиятининг кенг тарғиб қилиш, уларнинг корхона ва ташкилотларида ижроси юзасидан биргаликда мониторинг ўрнатиш (*БКнинг 17 моддаси*);

9. Тармоқ миқёсида илмий асосланган меҳнат меъёрларини ишлаб чиқиш учун шарт-шароит яратиш орқали меъёрий негизини ривожлантириш тшларини давом эттириш (*БКнинг 21 моддаси*);

10. Тарафлар касаба уюшмаси томонидан меҳнат қонунчилиги талаблари бузилган ҳолатларга доир киритган тақдимномаларини Иш берувчилар кўриб чикмаганда ёки ундаги талабларни бажаришни асоссиз рад этилганда Давлат меҳнат инспекциясига берилган қонуний ваколатларни қўллаган ҳолда бажарилишини таъминлашда кўмаклашадилар (*БКнинг 12-моддаси*).

11. Халқаро Меҳнат Ташкилотининг “Муассасаларда ходимлар вакилларининг ҳуқуқларини ҳимоя қилиш ва уларга бериладиган имкониятлар тўғрисида”ги 135-Конвенциясига, шунингдек Ўзбекистон Республикаси Адлия вазирлигида 1995 йил 18 декабрда 196 рақам билан рўхатга олинган “Меҳнат муҳофазаси бўйича вакил ҳақида Низом”нинг 12-бандига биноан ходимларнинг қуйидаги тоифалари мазкур Келишувга кўра касаба уюшмаси кўмитасининг қарори билан ходимлар вакиллари деб эътироф этиладилар ва ҳамкорлик қиладилар:

- а) сайлаб қўйиладиган касаба уюшма органлари аъзолари;
- б) меҳнатни муҳофаза қилиш бўйича вакиллари;
- в) меҳнат низолари комиссиясининг аъзолари.

12. «Тошшаҳартрансхизмат»АЖ раҳбарияти касаба уюшмаси Республика Кенгаши билан ҳамкорликда корхоналарида жамоа шартномалари тузилишида амалий ёрдам кўрсатади, уларнинг бандларига ходимларнинг касбий, ижтимоий-иқтисодий, ҳуқуқий ва интеллектуал манфаатларини ҳимоя қилишнинг энг долзарб масалаларнинг киритилишига эришади ҳамда бажарилишини назорат қилади.

13. Ходимларнинг ижтимоий-иқтисодий ҳуқуқ ва меҳнат манфаатларига дахлдор бўлган норматив - ҳуқуқий ҳужжатлар ҳамда техник жиҳатдан тартибга солиш соҳасидаги норматив ҳужжатлар лойиҳалари мажбурий тартибда Республика Кенгаши билан келишиб олинади («Касаба уюшмалари тўғрисида»ги Қонуннинг 28-моддаси).

14. «Тошшаҳартрансхизмат»АЖ ва унинг тасарруфдаги корхоналар раҳбарлари Ўзбекистон Республикаси Меҳнат Кодексининг 24-моддасига биноан “Иш берувчини ходимларнинг вакиллик органлари олдидаги мажбурияти” талабларига тўлиқ риоя этади.

15. Асосий ишидан озод этилмаган касаба уюшма кўмитаси раисига меҳнат жамоасининг манфаатларини кўзлаб жамоатчилик вазифаларини бажариши учун ҳар ҳафталик иш вақтининг 30 фоизидан кам бўлмаган вақт, шунингдек касаба уюшмасининг йўналиши бўйича қисқа муддатли ўқиши учун ўртача иш ҳақи сақланган ҳолда вақт берилади. (*«Касаба уюшмалари тўғрисида»ги Қонуни, 15,18-моддалари*).

16. «Тошшаҳартрансхизмат»АЖ хайъати таркибига Республика Кенгаши раиси, тасарруфидаги муассасаларда ходимларнинг ижтимоий-иқтисодий, ҳуқуқий масалаларига оид қарорлар қабул қиладиган коллегиал органи таркибига касаба уюшма кўмитаси раиси киритилади.

17. «Тошшаҳартрансхизмат»АЖ ва унинг тасарруфидаги корхоналарида ишга янги қабул қилинган ходимларни дастлаб касаба уюшмаси кўмитасида танишув суҳбатидан ўтиши йўлга қўйилади.

18. Иш берувчи асосий ишидан озод этилган касаба уюшма кўмитаси раиси учун зарур иш шароитларини яратади, кабинет ва зарур жиҳозлар билан

таъминлайди, шунингдек, касаба уюшмаси ишларини бажариши учун барча имкониятларни яратиб беради.

19. Тизимдаги ташкилотларида Ўзбекистон Республикаси Президентининг 2019 йил 30 июлдаги “Одам савдосига ва мажбурий меҳнатга қарши курашиш тизимини янада такомиллаштиришга оид қўшимча чора-тадбирлар тўғрисида”ги ПФ-5775-сон Фармони ва Ўзбекистон Республикаси Вазирлар Маҳкамасининг 2018 йил 10 майдаги “Ўзбекистон Республикасида мажбурий меҳнатга барҳам беришга доир қўшимча чора-тадбирлар тўғрисида”ги 349-сонли қарорига тўлиқ риоя этиш мажбуриятларини ўз зиммасига олади.

20. Ҳомонлар меҳнат қонунчилиги бузилишининг олдини олиш борасида барча вазирлик ва идоралар ҳамда Ўзбекистон Иш берувчилари Конфедерацияси билан тизимли ишларни амалга оширади (*БК-15 моддаси*).

21. Юридик шахсларни тугатилиши ва қайта ташкил этилиши натижасида иш жойидан бўшатишган ходимларнинг қонуний ҳуқуқларига риоя этиб, уларга қайта ўқитиш, малакасини ошириш ва ишга жойлаштиришга кўмаклашади (*БКнинг 35 моддаси*).

22. Тарафлар Давлат ва касб байрамлари ҳамда 11 ноябр “Касаба уюшмалари куни” байрамини ҳамкорликда муносиб нишонлайдилар.

I. “Иш берувчи”нинг мажбуриятлари

Иш берувчи Ўзбекистон Республикаси Вазирлар Маҳкамаси, Ўзбекистон Республикаси касаба уюшмаси Федерацияси Кенгаши, Ўзбекистон Республикаси Иш берувчилари Конфедерацияси ўртасида ижтимоий-иқтисодий масалаларга оид имзоланган 2020-2022 йиллар учун Бош Келишуви талабларидан келиб чиқиб, қуйидагиларни амалга оширишни ўз зиммасига олади:

-Меҳнат қонунчилиги бузилишининг олдини олиш борасида касаба уюшмаси билан ҳамкорликни таъминлаш;

-Колл марказлар, ишонч телефонлари тармоғини кенгайтириш орқали ижтимоий меҳнат масалалари юзасидан аҳоли билан Қайта алоқа механизмининг янада такомиллаштириш;

-тизимда Ҳалқаро меҳнат ташкилотининг асос солувчи Конвенцияларига риоя этишига доир тизимини хар йили таҳлил қилиб бориш.

Бандликни таъминлаш соҳасида

23. Ходимларни меҳнат шартномалари ва малакасига биноан тўлиқ бандлигини таъминлайди;

24. Корхоналарда иш ўринларини сақлаш, аҳоли бандлигига кўмаклашиш бўйича тизимли чора—тадбирларни амалга ошириш, барқарор иш ҳақи ва хавфсиз меҳнат шароитларини таъминловчи доимий иш ўринлари яратилишига эришади;

25. Ходимларни оммавий равишда ишдан озод этиш эҳтимоли тўғрисида икки ой олдин касаба уюшмаси Республика Кенгашига ахборот тақдим этиб, ва ишдан озод этиш оқибатларини енгиллаштиришига қаратилган маслаҳатли ишларни амалга оширади (*БКнинг 13 моддаси*);

26. Юридик шахсларни тугатилиши ва қайта ташкил этилиши натижасида иш жойидан бўшатишган ходимларнинг қонуний ҳуқуқларига риоя этилиши, уларни қайта ўқитиш, малакасини ошириш ва ишга жойлаштиришга кўмаклади (*БКнинг 35 моддаси*);

27. Олий ва ўрта махсус касб-хунар таълими муассасалари битирувчилари, Қуролли кучлари сафидан муддатли ҳарбий хизматдан қайтган шахслар ва ижтимоий ҳимояга муҳтож аҳоли қатламларининг бошқа тоифалари учун захира иш жойларни яратиш, шунингдек, қайтиб келаётган меҳнат мигрантларни ишга жойлаштириш бўйича амалий чоралар кўради;

28. Ходим билан тузилган меҳнат шартномасини Иш берувчининг ташаббуси билан бекор қилишдан олдин касаба уюшмаси қўмитасининг олдиндан розилигини олади ва бу қайдани жамоа шартномасида акс эттиради (*МКнинг 101 моддаси*);

29. Технологиядаги ишлаб чиқариш ва меҳнатни ташкил этишдаги ўзгаришлар, ходимлар сони (штати) ёки иш хусусиятининг ўзгаришига олиб келган ишлар ҳажмининг қисқариши муносабати билан меҳнат шартномасини бекор қилишда:

- ходимлар штатини қисқартириш жараёнида ишда қолдириш учун имтиёзли ҳуқуқига эга ходимларни аниқлаб, уларни розилигига асосан, меҳнат фаолиятини бошқа тўғри келадиган лавозимда ишлаш имконини беради (*МКнинг 103-моддаси*);

- ходимларни ишдан озод этиш эҳтимоли тўғрисида ахборотни касаба уюшмаси қўмитасига камида икки ой олдин тақдим қилади (*МКнинг 102-моддаси*) ва ишдан озод этиш оқибатларини енгиллаштиришга қаратилган маслаҳатли ишларни амалга оширади.

30. Ўзбекистон Республикаси Президентининг 2006 йил 5 январда "Йирик саноат корхоналари билан касаначиликни ривожлантириш асосидаги ишлаб чиқариш ва хизматлар ўртасида кооперацияни кенгайтиришни рағбатлантириш чоратадбирлари тўғрисида"ги ПФ-3706 сонли Фармонида мувофиқ корхоналарда касаначиликни ташкил этиш шартларини, шу жумладан, касаначилар билан меҳнат шартномаларини тузиш тартибини, уларга хом-ашё ва материаллар бериш, меҳнатига ҳақ тўлаш ва муҳофаза қилиш, тайёр маҳсулотларни сотилишини, касаначиларни ижтимоий сугурта қилиш ҳамда касаначилар меҳнатидан фойдаланаётган иш берувчилар учун белгиланган солиқ имтиёزلари қўлланилишини таъминлайди;

31. Ўзбекистон Республикаси Адлия Вазирлигида 2009 йил 29 июлда 1990 сон билан рўйхатга олинган "Ўн саккиз ёшдан кичик шахсларнинг меҳнати қўлланиши таъқиқланадиган ноқулай меҳнат шароитли ишлар рўйхати", Ўзбекистон Республикаси томонидан ратификация қилинган "Энг кичик ёш тўғрисида"ги 138 Конвенция ҳамда "Болалар меҳнатининг энг ёмон шакллари тўғрисида"ги 182 Конвенциялари талаблари бажарилишини таъминлайди;

32. 18 ёшга етмаган шахслар учун қонунчиликда ўрнатилган меҳнат муҳофазаси, иш вақти, меҳнат таътили ва бошқа қўшимча имтиёз ва кафолатларни тақдим этилишини таъминлайди.

Иш вақти ва дам олиш вақти соҳасида

33. Ходимлар учун беш кун иш ва икки кун (шанба ва якшанба) дам олиш кунидан иборат иш ҳафтасини ўрнатади;

34. Меҳнат жараёнида соғлигига физикавий, кимёвий, биологик ва ишлаб чиқаришнинг бошқа зарарли омиллари таъсир этадиган ноқулай меҳнат шароитларидаги ишларда банд бўлган ходимлар учун иш вақти ҳафтасига ўттиз олти соатдан ошмайдиган қисқартирилган муддати ўрнатилади.

Корхонада бундай ишларнинг рўйхати ва уларни бажаришда иш вақтининг муайян муддати –жамоа шартномаларида белгиланади. *(МКнинг 117 моддаси).*

35. Ходим билан иш берувчи ўртасидаги келишувга биноан ишга қабул қилиш чоғида ҳам, кейинчалик ҳам тўлиқсиз иш куни ёки тўлиқсиз иш ҳафтаси белгилаб қўйилиши мумкин.

Иш берувчи меҳнат тўғрисидаги қонунлар ва бошқа норматив ҳужжатларда назарда тутилган ҳолларда ходимнинг илтимосига кўра тўлиқсиз иш вақтини белгилаб қўйиши шарт.

Тўлиқсиз иш вақти шарти билан ишлаш ходимнинг йиллик асосий меҳнат таътилининг муддатини, меҳнат стажини ҳисоблашни ҳамда бошқа меҳнат ҳуқуқларини бирон бир тарзда чеклашга асос бўлмайди ва ишланган вақтга ёки ишлаб чиқарилган маҳсулотга мутаносиб равишда ҳақ тўланади. *(МКнинг 119 моддаси).*

36. Йиллик таътиллари бериш навбати календарь йил бошлангунга қадар иш берувчи томонидан касаба уюшмаси кўмитаси келишиб тасдиқланадиган жадвалга мувофиқ белгиланади.

Таътил бериш вақти ҳақида ходим таътил бошланишидан камида ўн беш кун олдин хабардор қилинади.

Қуйидаги ходимларга таътил уларнинг хоҳишига кўра ёзги ёки улар учун қулай бўлган бошқа вақтда берилади:

-ўн тўрт ёшга тўлмаган битта ёки ундан ортиқ болани (ўн олти ёшга тўлмаган ногирон болани) тарбиялаётган ёлғиз ота, ёлғиз онага (бева эркаклар, бева аёллар, никоҳдан ажрашганлар, ёлғиз оналарга) ва муддатли ҳарбий хизматни ўтаётган ҳарбий хизматчиларнинг хотинларига;

-I ва II гуруҳ ногиронларига;

-1941-1945 йиллардаги уруш қатнашчиларига ва имтиёзлари бўйича уларга тенглаштирилган шахсларга;

-ўн саккиз ёшга тўлмаган шахсларга;

-таълим муассасаларида ишлаб чиқаришдан ажралмаган ҳолда ўқиётганларга (250-модда);

-жамоа шартномаси, келишувида назарда тутилган бошқа ҳолларда.

Ишлаётган эркакларга йиллик таътил уларнинг хоҳишларига биноан хотинларининг ҳомиладорлик ва туғиш таътили даврида берилади.

Таътилдан фойдаланишнинг жадвалда белгиланган вақти ходим билан иш берувчининг келишувига биноан ўзгартирилиши мумкин. *(МК 144 моддаси)*

37. Ходимнинг аризасига кўра унга иш ҳақи сақланмаган ҳолда таътил берилиши мумкин, унинг давомийлиги ходим ва иш берувчи ўртасидаги келишувга кўра белгиланади, лекин у ўн икки ойлик давр мобайнида жами уч ойдан ортиқ бўлмаслиги керак.

Қуйидаги ходимларга уларнинг хоҳишига кўра, иш ҳақи сақланмаган ҳолда муқаррар тартибда таътил берилади:

1941-1945 йиллардаги уруш қатнашчиларига ва имтиёзлари жиҳатидан уларга тенглаштирилган шахсларга - ҳар йили ўн тўрт календарь кунга қадар;

ишлаётган I ва II гуруҳ ногиронларига - ҳар йили ўн тўрт календарь кунга қадар;

икки ёшдан уч ёшгача бўлган болани парвариш қилаётган аёлларга (234-модда); ўн икки ёшга тўлмаган икки ва ундан ортиқ болани тарбиялаётган аёлларга -

ҳар йили ўн тўрт календарь кунга қадар (232-модда);

меҳнат тўғрисидаги қонунлар ва бошқа норматив ҳужжатларда, шунингдек меҳнат шартномаси шартларида назарда тутилган бошқа ҳолларда (МК 150 моддаси).

38. Барча тоифадаги ходимларга олти кунлик иш ҳафтаси ҳисоби билан давомийлиги 18 кундан кам бўлмаган асосий меҳнат таътилини беради;

39. “Тошпахарттрансхизмат” АЖ тизимидаги корхона ва ташкилотлар ходимларига иш стажи учун 1 кундан 7 кунгача қўшимча меҳнат таътилини тақдим этади, бунда қўшимча таътиллари бериш тартибини жамоа шартномаларида белгилайди;

40. Биринчи никоҳдан ўтаётган ходимларга, фарзандлари никоҳдан ўтишларида, фарзанд туғилганда (отасига) ва яқин қариндошлари (отаси, онаси, умр йўлдоши, фарзанди, туғишган ака-ука ва опа-сингиллари) дафн этишларида ҳақ тўланадиган уч кунлик таътилни беради;

41. Меҳнат шароити ноқулай ва ўзига хос бўлган ишлар учун Меҳнат Кодексининг 137-моддаси ва иш жойларни шаҳодатлаш натижаларига асосан ходимларга йиллик қўшимча таътил беради. Қўшимча таътилни аниқ муддати ва қўшимча таътил тақдим этиладиган лавозимлар рўйхатини жамоа шартномасида белгилайди;

42. Хомиладор ҳамда ёши 14 ёшгача (ногирон 16 ёшгача) фарзанди бор аёлларга, тиббий ҳулосага кўра касал оила аъзосини парвариш қилаётган ҳамда таълим муассасаларида ишлаб чиқаришдан ажралмаган ҳолда ўқиб, ўқув режасини бажараётган ходимларга қисқартирилган иш куни ёки иш ҳафтасини белгилайди;

43. Ходимни аризасига кўра (давомийлиги тўғрисида ўзаро келишилган бўлиб) иш ҳақи сақланмаган ҳолда таътилни беради, бунда ушбу таътилни муддати икки ҳафтадан кўп бўлган вақтини ҳам йиллик асосий таътилни олиш ҳуқуқини берадиган меҳнат стажига қўшади (Ўз.Р.МК 142-моддаси);

44. Таълим муассасаларида ишлаб чиқаришдан ажралмаган ҳолда ўқиб, ўқув режасини бажараётган ходимларга ҳақ тўланадиган қўшимча таътил беради (ЎзР.МК 249 моддаси);

45. Ўзбекистон Республикаси Президентининг 2021-2023 йиллар учун расмий саналарни нишонлаш даврида қўшимча ишланмайдиган кунларни белгилаш ва дам олиш кунларини кўчириш тўғрисидаги Фармонларига биноан қўшимча дам олиш кунларининг берилиши муносабати билан ходимларнинг йиллик асосий ва қўшимча таътиллари давомийлигини ўзгартирмайди.

Меҳнатга ҳақ тўлаш соҳасида

46. Ходимларга иш ҳақи ҳисоблашни Ўзбекистон Республикаси Вазирлар Маҳкамасининг 2019 йил 16 сентябрдаги “Меҳнатга ҳақ тўлаш ягона тариф сеткасини янада такомиллаштириш тўғрисида” ги 775 сонли қарори асосида амалга оширади.

Корхонада иш ҳақи ҳисоблашда бошқа тариф сеткаси қўллаётган бўлса, унинг коэффицентлари Республикада ўрнатилган ягона тариф сеткаси коэффицентларидан кам бўлмаслиги ва касаба уюшмаси кўмитаси билан келишилганлигини таъминлайди.

Ходимларга меҳнат иш ҳақи миқдори (лавозим маоши) белгиланишида нархларнинг ўзгариши, инфляция даражаси ҳисобга олинган ҳолда қўпайтиради. (Меҳнат Кодексининг 52 моддаси)

47. Автотранспорт хайловчиларга иш ҳақи миқдори белгиланиши Ўзбекистон Республикаси Адлия вазирлигида 2019 йил 23 январда 3130-сон билан рўйхатга олинган Ўзбекистон Республикаси Бандлик ва меҳнат муносабатлари вазирлиги, Молия вазирлиги, ҳамда Ўзбекистон автомобиль транспорти агентлигининг 2019 йил 22 январдаги 2-2019/ҚҚ, 9 ва 1/103-сон қарори билан «Автомобиль транспорти ҳайдовчилари меҳнатига ҳақ тўлашнинг умумий шартлари тўғрисидаги НИЗОМ»га асосан амалга оширилади

48. Иш ҳақи ўз вақтида тўланиши, энг кам иш ҳақи стандартларига риоя этилиши, меҳнатга ҳақ тўлашнинг энг кам миқдори Ягона тариф сеткасинининг биринчи разряди ставкасидан кам бўлмаслигини таъминлайди.

49. Ходимларнинг ўртача иш ҳақини кўшимча тўловлари ҳисоби билан ярим йиллик ва йил якуни бўйича Республикада белгиланган меҳнатга ҳақ тўлашнинг энг кам миқдорининг 3 баробаригача етказилишига эришади.

50. Жамоа шартномаларида иш вақтидан ташқари, дам олиш ва байрам кунларида ишлаган ҳамда қисман яроқсиз маҳсулотни ишлаб чиққан ходимлар учун ҳақ тўлаш тартибини белгилайди (*Ўз.МК нинг 157,158 ва 159 моддалари*).

51. Ходимнинг давлат ёки жамоат вазифаларини бажараётган, айбсиз бекор туриб қолган вақтида унинг ўртача иш ҳақини сақланишини кафолатлайди (*Ўз. МК 165-166-167-моддалари ва Ўзбекистон Республикаси Вазирлар Маҳкамасининг 1997 йил 11 мартдаги 133-қарорининг 5-илоvasи*).

52. Ҳар ойда ҳисобланган иш ҳақи ва ушлаб қолинган солиқ ва бошқа мажбурий тўловлар тўғрисида ходимларга ёзма шаклда хабар беради.

53. Ходимнинг ўз меҳнат вазифаларини бажариши билан боғлиқ кўшимча харажатларини қонун ҳужжатлари, жамоа шартномалари, шунингдек меҳнат шартномаларида белгиланган шартлар ва тартибда қоплайди (*Ўз. МК 171, 172, 173 моддалари*).

54. Жамоа шартномаларида ходимларни юқори иш кўрсаткичлари учун, байрам ва юбилей саналари муносабати билан тақдирлаш чораларини белгилайди.

55. Ўзбекистон Республикаси Вазирлар Маҳкамасининг 2002 йил 19 мартдаги 88-сонли "Иш ҳақи ўз вақтида тўланишига доир кўшимча чоратadbирлар тўғрисида"ги қарори ва Ўзбекистон Меҳнат Кодексининг 154-моддасига мувофиқ иш ҳақини ўз вақтида тўлайди.

56. Автобус ҳайдовчиларни иш ҳақини ҳисоблашда уларни хизмат кўрсатадиган транспорт воситаси турига боғлиқ тариф коэффициентлари қўлланилади.

Ҳайдовчиларнинг тариф ставкасига **1,228** миқдорида тармоқ коэффициенти қўлланилади.

57. Юқори малакали ва Устозлик қилаётган ходимларни ойлик иш ҳақи ва лавозим маошларига камида 20 фоиз миқдорида устама белгилайди.

55. Автотранспорт ҳайдовчиларнинг малакаси(класси)га мувофиқ ойлик тариф ставкасидан 10-25 фоиз миқдорида устама ўрнатади;

58. Иш берувчининг айби билан иш ҳақи тўланиши белгиланган муддатларга нисбатан кечикканлиги учун унинг моддий жавобгарлигини жамоа шартномасида белгилайди (*МК 161-моддаси*).

59. "Мохир ҳайдовчи" унвонига эга ҳайдовчиларининг иш ҳақига ушбу унвоннинг даражасига мувофиқ Республикада ўранатилган меҳнатга ҳақ тўлашнинг энг кам миқдоринг 50 фоиздан 100 фоизигача кўшимча устама тўлайди;

60. Фахрий унвонигаларига эга хайдовчиларига хар ойда куйидаги кўшимча тўловларни тўлайди:

- “Транспортда хизмат кўрсатган ходим”и унвонига эга хайдовчиларга Республикада ўрнатилган меҳнатга ҳақ тўлашнинг энг кам миқдорининг 35 фоизи миқдорида;

- “Шаҳар йўловчи транспортининг фахрий ходим”и унвонига эга хайдовчиларга – Республикада ўрнатилган меҳнатга ҳақ тўлашнинг энг кам миқдорининг 20 фоиз миқдорида;

-“Меҳнат фахрийси” унвонига эга хайдовчиларга - Республикада ўрнатилган меҳнатга ҳақ тўлашнинг энг кам миқдорининг 10 фоизи миқдорида.

61. Пассажир автотранспорт хайдовчиларига иш стажига мувофиқ хар ойда ойлик тариф ставкасига 10 фоиздан 50 фоизгача устама ўрнатади.

62. Иш ҳақи миқдорини Ўзбекистон Республикаси Президенти Фармонлари ва Ўзбекистон Республикаси Вазирлар Маҳкамаси қарорларига мувофиқ қайта кўриб чиқади.

63. Меҳнатга ҳақ тўлашнинг аниқ тизими ва шакллари, кўшимча тўлов ва устамаларнинг тадбиқ этилиши тартиби ва аниқ миқдорлари жамоа шартномалари ва иш ҳақи тўғрисидаги Низомида белгилайди

64. Ходим Ишберувчининг розилиги ва унинг ёзма топшириғи билан меҳнат вазибаларини бажариш учун ўзига тегишли мол-мулкдан фойдаланганда, транспорт воситалари ёки бошқа мулкнинг амортизацияси ва улардан фойдаланганлик учун қилинган харажатларини ўзаро келишилган миқдорида қоплайди.

65. Ўзбекистон Республикаси Вазирлар Маҳкамасининг 2019 йил 6 сентябр 743 сонли қарори билан тасдиқланган “Табиий-иқлим ва маиший шароитлари оғир ва ноқулай бўлган жойларда ишловчи ходимлар меҳнатига ҳақ тўлашга туман коэффицентларини, шунингдек, уларга хар йили бериладиган кўшимча таътилнинг энг кам муддатини белгилаш ва қўллаш тартиби тўғрисида Низоми”га биноан ходимларга оғир ва ноқулай бўлган жойларда ишлаганлик учун кўшимча устамалар ва меҳнат таътилларни ўрнатади.

66. Ўзбекистон Республикаси Вазирлар Маҳкамасининг 2019 йил 6 сентябр 743 сонли қарори билан тасдиқланган “Кўчма ва қатнаш тусидаги ишлар билан боғлиқ устамалар тўлаш тартиби тўғрисида Низоми”га мувофиқ кўчма ва қатнаш тусидаги ишлар учун устамалар белгиланадиган ходимлар касблари ва лавозимлари рўйхати, шунингдек, устамалар миқдори иш берувчи томонидан касаба уюшмаси кўмитаси билан келишган ҳолда белгиланади ва жамоа шартномасига киритилади.

67. Ходим иш берувчининг розилиги ва унинг ёзма топшириғи билан меҳнат вазибаларини бажариш учун ўзига тегишли мол-мулкдан фойдаланганда, транспорт воситалари ёки бошқа мулкнинг амортизацияси ва улардан фойдаланганлик учун қилинган харажатларини ўзаро келишилган миқдорида қоплайди. (Ўз.Р. МКнинг 173 моддаси).

68. Зарарли ва оғир иш шароитида ишлаётган ходимларнинг ойлик ставкалари ва лавозим маошларига (3-сонли рўйхат) 12%, ўта зарарли ва ўта оғир шароитида ишлаётган ходимларнинг тариф ставкаларига (2-сонли рўйхат) 24% устамалар белгилайди.

Автотранспорт хайдовчиларнинг иш вақти ва дам олиш вақти соҳасида

Ўзбекистон Республикаси Адлия Вазирлигида 2013 йил 9 сентябрда 2506-сон билан рўйхатга олинган Ўзбекистон Республикаси Бандлик ва меҳнат муносабатларивазирининг 2013 йил 23 августдаги 64-Б-сон буйруғи билан тасдиқланган “Автотранспорт воситалари хайдовчиларининг иш вақти ва дам олиш вақти тўғрисида”ги Низомга биноан Иш берувчи хайдовчилар учун иш ва дам олиш вақтини қуйидаги тартибда белгилайди:

69. Хайдовчилар учун иш вақтининг нормал муддати ҳафтасига қирқ соат.

Олти кунлик иш ҳафтасида ҳар кунги ишнинг муддати етти соатдан, беш кунлик иш ҳафтасида - саккиз соатдан оширилмайди.

Байрам (ишланмайдиган) кунлари арафасида кундалик иш (смена) муддати барча хайдовчилар учун камида бир соатга қисқартирилади.

70. Хайдовчиларга тунги вақтдаги ишларнинг муддати соат 22-00 дан то соат 6-00 гача бўлган вақт ҳисобланади.

Агар хайдовчи учун белгиланган кундалик иш (смена) муддатининг камида ярми тунги вақтга тўғри келса, тунги иш вақти муддати бир соатга, иш ҳафтаси муддати ҳам шунга мувофиқ равишда қисқартирилади.

71. Хайдовчиларнинг бир суткадаги бошқарув даври тўққиз соатдан ортиқ бўлмайди.

72. Ҳисобга олинмайдиган даврдаги иш вақтининг муддати иш соатларининг нормал миқдоридан ошиб кетмайдиган шарт билан иш вақтини жамлаб ҳисобга олинади. Бунда ҳисобга олинмайдиган давр бир йилдан, кундалик иш вақтининг (сменанинг) муддати эса - ўн икки соатдан ортмайди. (*Ўз.МКнинг 123 моддаси*)

73. Хайдовчининг иш вақти таркибига қуйидагилар киритилади:

- линияга чиқиш олдидан ва линиядан қайтгандан сўнг ишларни бажариш вақти;

- смена бошланиши олдидан ва якунланганидан сўнг йўлда (тўхтаб туриш жойида) ишларни бажариш учун тайёргарлик ва якунлаш ишларини бажариш вақти;

- хайдовчиларнинг бир сменада беш дақиқага қадар рейсолди тиббий кўриқдан ўтиш вақти;

- автотранспорт воситасининг линияда ҳаракатланиш вақти;

- тўхтаб туриш вақти: йўловчиларни чиқариш ва тушириш жойларидаги вақти;

- хайдовчининг айбисиз бўш туриб қолинган вақти;

- йўналишдаги якуний пунктларда қатнов жадвалида кўзда тутилган қисқа муддатли тўхтаган вақти.

74. Хайдовчилар учун қуйидаги дам олиш тартиби ўрнатилади:

иш сменаси мобайнида дам олиш ва овқатланиш учун танаффусга чиқиш (тушлик танаффуси);

ҳар кунлик (сменалараро) дам олиш;

ҳар ҳафталик дам олиш (дам олиш кунлари);

байрам кунларида дам олиш;

ўрнатилган тартибда таътилга чиқиш.

75. Хайдовчиларнинг ҳар ҳафталик дам олиши узлуксиз қирқ икки соатдан кам бўлмаслиги таъминланади.

76. Иш вақтини умумлаштирилган тарзда ҳисоб-китоб қилиш хайдовчиларга, ҳар кунлик дам олиш кунлари смена графикларига асосан ҳафтанинг турли кунларида белгиланади.

77. Ҳайдовчиларга йиллик таътил бериш навбати календарь йил бошлангунга қадар касаба уюшмаси қўмитаси билан келишган ҳолда тасдиқланадиган жадвалга мувофиқ белгиланади.

Меҳнат муҳофазаси соҳасида

78. Меҳнат шароитлари ва муҳофазасини яхшилаш бўйича 2021 - 2023 йиллар учун Дастурни қабул қилиб, бунда корхоналарда “яшил иш ўринлари”ни, яъни муносиб меҳнат шароитларини таъминловчи иш ўринларини яратади.

79. Ўзбекистон Республикасининг “Иш берувчининг фуқаролик жавобгарлигини мажбурий суғурта қилиш тўғрисида”ги қонунига биноан, ходимни ўз меҳнат вазифаларини бажариши билан боғлиқ ҳолда меҳнатда майиб бўлиши, касб касаллигига чалиниши ёки соғлиғининг бошқача тарзда шикастланиши муносабати билан унинг ҳаёти ёки соғлиғига етказилган зарарнинг ўрнини қоплаш бўйича ўз фуқаролик жавобгарлигини Қонунда белгиланган шартлар асосида ва тартибда суғурта қилади.

80. Ўзбекистон Республикаси Адлия Вазирлигида 14.08.1996 йил 272-сон ва 273 – сон билан рўйхатга олинган “Меҳнатни муҳофазаси бўйича ўқитиш ва билимларини текшириш ишларини ташкил этиш тўғрисида” ва “Меҳнат муҳофазаси бўйича ишларни ташкил этиш тўғрисида”ги намунавий Низомлари асосида ўз Низомларни тасдиқлаб, корхона ва ташкилотларда меҳнат муҳофазасига доир ишларни ташкил этади ва молиялаштириш учун маблағ ажратади.

81. Ўзбекистон Республикаси Вазирлар Маҳкамасининг 2008 йил 12 ноябрдаги 245-сонли қарори билан тасдиқланган “Корхоналар, ташкилотлар ва муассасаларда меҳнатни муҳофаза қилиш жамғармасини ташкил этиш ва унинг маблағларидан фойдаланиш тартиби тўғрисида Низом”га биноан меҳнатни муҳофаза қилиш фондини ташкил қилиб, унинг ҳисобига ходимларнинг меҳнат шарт-шароитларини яхшилаш ва муҳофаза қилишга йўналтирилган чора-тадбирларни молиялаштиради;

82. Меҳнат муҳофазаси бўйича битим тузади (меҳнат шароитлари ва меҳнатни муҳофаза қилиш ишларини яхшилаш, санитария-соғломлаштириш чора-тадбирлари режаси ва сарф-харажатлар сметасига киритади) ва касаба уюшмаси билан келишган ҳолда жамоа шартномасига илова қилинади.

"Битим"ни бажарилиши учун зарур маблағ билан молиялаштиради, бунда ҳар бир ишчига сарфланадиган маблағ Республика кўрсаткичидан кам бўлмаслигини таъминлайди.

83. Ўзбекистон Республикаси Вазирлар Маҳкамаси 2014 йил 15 сентябр “Иш ўринларини меҳнат шароитлари ва асбоб-ускуналарнинг жароҳатлаш хавфлилиги юзасидан аттестациядан ўтказиш тартиби тўғрисида”ги 263-сонли қарорига мувофиқ иш жойларини 5 йилда бир мартаба аттестациядан ўтказилади.

84. Ходим ўз меҳнат вазифаларини бажариш билан боғлиқ ёки касб касаллигига чалиниш натижасида вафот этганда марҳумнинг оиласига олти йиллик ўртача иш ҳақидан кам бўлмаган миқдорда бир йўла бериладиган нафақа тўлайди, ходимнинг соғлиғига шикаст етказилганда эса унинг 1 йиллик иш ҳақидан кам бўлмаган миқдорда бир йўла бериладиган нафақа тўлайди (МК 194 модда).

85. Меҳнатни муҳофаза қилиш бўйича муҳандис-техник ходимларни 3 йилда бир марта ўқитиб, шаходатлантиради. Зарарли ва оғир шароитда

ишлайдиган ишчиларни ҳар йили бир марта ўқитади ва шаҳодатдан ўтганларга ишлашга рухсат берувчи гувоҳномалар корxonанинг доимий ҳаракатдаги ҳайъати томонидан берилишини таъминлайди.

86. Автомобиль ҳайдовчилар учун 2 йилда бир мартаба 30 соатлик техминимум бўйича ўқишни ташкил қилади.

87. Ходимларининг сони эллик киши ва ундан ортиқ бўлган ҳар бир ташкилотда меҳнатни муҳофаза қилиш талаблари бажарилиши устидан назоратни амалга ошириш мақсадида меҳнатни муҳофаза қилиш хизматини ташкил этади ёки меҳнатни муҳофаза қилиш бўйича тегишли тайёргарликка эга бўлган мутахассис лавозимни жорий этади.

Меҳнатни муҳофаза қилиш хизматининг вазифалари меҳнатни муҳофаза қилиш соҳасидаги хизматлар бозорининг профессионал иштирокчилари томонидан шартнома асосида амалга оширилиши мумкин.

88. Ходимларининг сони эллик нафардан кам бўлган ташкилотда меҳнатни муҳофаза қилиш хизматини ташкил этиш ёки меҳнатни муҳофаза қилиш бўйича мутахассис лавозимини жорий этиш тўғрисидаги қарорни қабул қилади.

89. Элликта ва ундан ортиқ транспорт воситаси мавжуд бўлган ташкилотда йўл ҳаракати хавфсизлиги хизматини ташкил этади ёки йўл ҳаракати хавфсизлиги бўйича мутахассис лавозимини жорий этади.

Шунингдек, меҳнатни муҳофаза қилиш хизматининг вазифаларини меҳнатни муҳофаза қилиш соҳасидаги хизматлар бозорининг профессионал иштирокчилари томонидан шартнома асосида амалга оширилишини ташкил этиши мумкин.

90. Ходимларни соғлом ва хавфсиз меҳнат шароитларини ташкил этиш учун амалдаги меъёрларга мувофиқ келадиган санитария-гигиена хоналари билан таъминлайди.

91. Саноат ёки ёнғин хавфсизлиги қондаси ходимларнинг айибсиз бузилиши оқибатида улар ишни тўхтатишга мажбур бўлган ҳолатларда, уларга иш тўхтатилган ҳар иш куни учун ўртача иш ҳақини тўлайди.

92. Меҳнатни муҳофаза қилиш учун зарур бўлган маблағларни қонун ҳужжатларида, жамоа шартномасида белгиланган миқдорда ажратади. Ходимларни ана шу мақсадлар учун бирор-бир чиқим қилдирмайди.

93. Меҳнат шароитлари ноқулай ишларда банд бўлган ходимлар белгиланган нормалар бўйича сут (шунга тенг бўлган бошқа озиқ-овқат маҳсулотлари), даволаш-профилактика озиқ-овқати, газланган тузли сув (иссиқ цехларда ишловчилар учун), махсус кийим-бош, махсус пойабзал ҳамда бошқа шахсий ҳимоя ва гигиена воситалари билан бепул таъминлайди.

94. Ходимларнинг меҳнатни муҳофаза қилиш бўйича йўл-йўриқлар олишини, меҳнатни муҳофаза қилиш масалалари бўйича ўқувдан, қайта тайёргарликдан ўтишини, малака оширишини ва билимлари текширилишини таъминлайди.

95. Ўн саккиз ёшга тўлмаган шахсларнинг ва умумий белгиланган пенсия ёшига етган шахсларнинг, ногиронларнинг, шунингдек бир қатор касблар ва ишлаб чиқаришлар ходимларининг Ўзбекистон Республикаси Соғлиқни сақлаш вазирлигитомонидан белгиланган тартибда дастлабки тарзда (ишга кираётганда) ва даврий (меҳнат фаолияти давомида) мажбурий тиббий кўриқлардан ўтказилишини ташкил этади. Тиббий кўриқлардан ўтилиши муносабати билан ходимлар чиқимдор бўлмайдилар.

96. Ишлаб чиқаришдаги бахтсиз ҳодисалар ва касб касалликларидан давлат томонидан мажбурий ижтимоий суғурта қилиниши, шунингдек иш берувчининг фуқаролик жавобгарлиги мажбурий суғурта қилинишини таъминлайди.

97. Барча ишга кираётган, шунингдек бошқа ишга ўтказилаётган ходимлар учун меҳнатни муҳофаза қилиш бўйича йўл-йўриқлар берилиши, ишларни бажаришнинг ҳавфсиз услублари ва усуллари ўқитиш ишларини ташкил этади.

98. Бинолар, иншоотлар, асбоб-ускуналардан фойдаланиш, технологик жараёнларни амалга ошириш чоғида, шунингдек ишлаб чиқаришда хом ашё ва материалларни қўллаш, ишлар бажариш ва хизматлар кўрсатиш чоғида ходимларнинг ҳавфсизлигини таъминлайди.

99. Тегишли хизматларни ташкилий-услубий ҳамда зарур техник меъёрий қўлланмалар махсус адабиётлар, кўргазмали куруллар, ташкилий техника асбоблари, ҳавфсизлик техникаси хоналарини билан таъминлайди ва меҳнат шароитларидан келиб чиққан ҳолда, йиллик тадбирлар ишлаб чиқиб, уларни амалга ошириш учун маблағ ажратади.

100. “Меҳнат муҳофазаси ва ҳавфсизлиги бўйича жамоатчилик назоратни ташкил этиш юзасидан Республика кўрик-танлови” да қатнашади.

101. Меҳнатни муҳофаза қилиш учун зарур бўлган маблағларни қонун ҳужжатларида ёки жамоа шартномасида белгиланадиган миқдорда ходимларни чиқимдор қилмаган ҳолда ажратади. Шу билан бир қаторда, алоҳида меҳнатни муҳофаза қилиш бўйича фондни ташкил қилади ҳамда уни ходимларнинг меҳнат шарт-шароитларини яхшилаш ва муҳофаза қилишга йўналтирилган чора-тадбирларни молиялаштиришга сарфлайди.

102. Ҳар бир иш жойига мослаб меҳнат шароити бўйича меъёрий талабларни ишлаб чиқиш мажбуриятини зиммасига олади. Бу меъёрий талаблар ишлаб чиқариш муҳити, ҳавфсиз меҳнат шароитларини яратиш, биринчи навбатда меҳнат ҳамда дам олиш тартиби, ходимларга ижтимоий-маиший хизмат кўрсатишга оид меъёрий талабларни ўз ичига олади.

103. Ходимларнинг меҳнат шароити шунингдек, меҳнат жараёни ўзгариши, меҳнат шароитига бўлган талабларнинг ортиши (ўзгариши) муносабати билан, ходимлар соғлиғини муҳофаза қилиш ва уларнинг доимий меҳнат қобилиятларини сақлаб қолиш мақсадида, белгиланган меҳнат шароитларига мунтазам равишда зарур ўзгартиришлар киритиб боради.

104. Ҳар бир ходимни иш жойидаги меҳнат шароитларига қўйиладиган меъёрий талаблар шунингдек, бу шароитларнинг ҳақиқий аҳволи, хусусан, ишлаб чиқариш муҳити, меҳнат ва дам олиш тартиблари, имтиёзлар ва компенсация тўловлари, шахсий ва жамоавий ҳимоя воситаларига бўлган талабларга қандай амал қилинаётганлиги тўғрисида хабардор қилиб боради.

105. Ташкилотни куз - қиш мавсумида ишлашга тайёрлаш билан боғлиқ барча тадбирларни 25 август (1 октябрь) гача бажарилишини таъминлайди ҳамда санитария-маиший биноларининг узлуксиз ишлашини ва уларнинг тегишли ҳолатда сақланишини таъминлайди.

106. Ходимларни ишлаб чиқаришдаги бахтсиз ҳодисалар ва касб касалликларидан суғурта қилади, иш ўринларини меҳнат шароитлари ва асбоб-ускуналарнинг жароҳатлаш ҳавфлиги юзасидан аттестациядан ўтказиш ҳамда ходимларни дастлабки тарзда ва вақти-вақти билан тиббий кўрикдан ўтказилишини уларни чиқимдор қилмаган ҳолда ташкил қилади.

107. Ноқулай меҳнат шароитларидаги ишларда банд бўлган ходимларга иш вақтининг қисқартирилган муддатини белгилайди ҳамда ўзига хос, оғир ва ноқулай табиий иқлим шароитидаги ишларда ишловчилар учун йиллик қўшимча таътилни беради.

108. Меҳнат шароити ноқулай, зарарли ва ифлосланишлар билан боғлиқ ишларда меҳнат қилувчиларни гигиена воситалари билан бепул таъминлаш ҳуқуқини берадиган касб ва лавозимлар рўйхатини тузади ва берилишини таъминлайди.

109. Корхона ҳудудини ҳамisha саранжом-сарингта ҳолда сақлаш, юриш, ўтиш йўлакларини ва жойларини талаб этиладиган оралиқ ўлчамлари аниқ белгиланган бўлиши ҳамда уларга қатъий амал қилиниши корхонанинг ички транспортдан фойдаланишда уларнинг хавфсизлигини таъминлаш чораларини кўради.

110. Мансабдор шахслар ва инженер-техник ходимлар томонидан меҳнат муҳофазаси, технологик интизом қоидалари талабига, режали-огоҳлантирувчи таъмирлаш ишлари, вентиляция ва аспирация жиҳозларининг узлуксиз ишлаш жадвалларига қатъий амал қилинишини таъминлайди.

Бузилган асбоб-ускуналарнинг ишлашига йўл қўймайди. Меҳнат хавфсизлигини таъминлаш нуқтаи назаридан асбоб-ускуналарнинг тегишли жойлари, иссиқ ёки совуқ сув, буғ ва газ қувурларининг ўз вақтида меъёрий ҳужжатлар талабларида белгиланган рангларга бўялишини таъминлайди.

111. Ходимларни меҳнат муҳофазаси бўйича ўқитади ҳамда билимларини синовдан ўтказиш ишларини ташкил этади. Меҳнат муҳофазаси бўйича ҳар бир касб ва иш тури бўйича ишлаб чиқилган йўриқномаларга асосан ўз вақтида ходимларни йўриқдан ўтказилишини таъминлайди ва доимий назорат қилади.

112. Меҳнат муҳофазаси бўйича сайланган вакилларнинг ўқишини улар сайлангандан сўнг бир ой ичида касаба уюшма қўмитаси иштирокида ташкил қилади.

113. Меҳнатни муҳофаза қилиш бўйича вакил этилган шахсга ўз зиммасига юклатилган вазифаларни бажариши учун ҳар ҳафтада камида икки соат иш вақт ажратади ва бу вақт учун иш жойи (лавозими) бўйича ўртача ойлик иш ҳақини сақлаб қолади. Меҳнат шароитларини яхшилаш борасида жонбозлик кўрсатган вакилларни маънавий ва моддий жиҳатдан рағбатлантиради ҳамда ҳар чорак якунига кўра мукофотлайди.

114. Ходимларга уларнинг меҳнат вазифасини бажариш билан боғлиқ ҳолда жароҳатланиши, касб касалликларига чалиниши ёки саломатликнинг бошқа хил шикастланиши туфайли етказилган зарар тўланиши кўзда тутилган миқдорда нафақа ва зарар тўловларини олиш ҳуқуқига эга бўлган шахсларга тўланиши лозим бўлган ойма-ой тўловларни тўланишини ўз вақтида таъминлайди.

115. Ходим ишлаб чиқаришга боғлиқ ҳолда жароҳатланганда ёки касб касалликлари оқибатида вақтинчалик меҳнат лаёқатини йўқотганда ўртача ойлик иш ҳақининг 100 фоизи миқдорида тўловни амалга оширади.

116. Ишлаб чиқаришдаги бахтсиз ҳодисалар ва ходимларнинг ўз меҳнат вазифаларини бажариши билан боғлиқ ҳолда соғлиғининг бошқача тарзда шикастланиши, шунингдек касб касалликлари белгиланган тартибда текширилиши ҳамда ҳисобга олинишини таъминлайди.

Фуқаролик-ҳуқуқий шартномалар бўйича ишлар бажарувчи (хизматлар кўрсатувчи) шахсларга нисбатан ҳам ишлаб чиқаришдаги бахтсиз ҳодисалар ҳамда соғлигининг бошқача тарзда шикастланиши, касб касалликлари белгиланган тартибда текширилиши ва ҳисобга олинишини таъминлайди.

117. Касаба уюшманинг меҳнатни муҳофаза қилишни таъминлаш борасидаги ҳуқуқлари.

- ташкилотларнинг раҳбарларидан ва бошқа мансабдор шахсларидан меҳнат шароитлари ва муҳофазаси тўғрисида, шунингдек ишлаб чиқаришдаги барча бахтсиз ҳодисалар ҳамда касб касалликлари ҳақида ахборот олиш;

- ишлаб чиқаришдаги бахтсиз ҳодисаларни ва касб касалликларини текширишда иштирок этиш;

- ходимларнинг ҳаёти ва соғлиғига хавф туғилган ҳолларда ишларни тўхтатиб туриш, шунингдек меҳнатни муҳофаза қилишга оид талабларнинг бузилишларини бартараф этиш тўғрисида иш берувчига таклифлар киритиш;

- меҳнатни муҳофаза қилиш ҳолатини ўрганиш, иш берувчиларнинг жамоа шартномалари ва келишувларида назарда тутилган меҳнатни муҳофаза қилиш бўйича мажбуриятлари бажарилишини назорат қилиш;

- ишлаб чиқариш объектларини ва ишлаб чиқариш воситаларини синаш ҳамда фойдаланишга қабул қилиш бўйича комиссиялар ишида мустақил эксперт сифатида иштирок этиш, тиббий-меҳнат эксперт комиссияси мажлисларида иштирок этиш;

- меҳнатни муҳофаза қилиш масалалари бўйича техник жиҳатдан тартибга солиш соҳасидаги норматив ҳужжатлар ва норматив-ҳуқуқий ҳужжатлар лойиҳаларини ишлаб чиқишда иштирок этиш;

- меҳнатни муҳофаза қилишга оид талабларни бузганликда, ишлаб чиқаришдаги бахтсиз ҳодисалар фактларини яширганликда айбдор шахсларни жавобгарликка тортиш тўғрисидаги талаблар билан тегишли органларга мурожаат қилиш;

- меҳнат вазифаларини бажариши билан боғлиқ ҳолда майиб бўлиши ёки соғлигининг бошқача тарзда шикастланиши туфайли етказилган зарарнинг ўрни қопланиши учун ҳамда ходимларнинг соғлиғи ва меҳнати муҳофаза қилинишига бўлган ҳуқуқлари чекланган бошқа ҳолларда ходимнинг ҳуқуқларини ҳимоя қилиб судга мурожаат этиш;

- меҳнатни муҳофаза қилиш тўғрисидаги қонун ҳужжатлари, жамоа шартномаларида ва келишувларида назарда тутилган мажбуриятлар бузилганлиги, шунингдек меҳнат шароитларининг ўзгариши билан боғлиқ меҳнат низоларини кўриб чиқишда иштирок этиш.

118. Иш берувчи Касаба уюшмаси кўмитаси билан ҳамкорликда:

- ташкилотнинг таркибий тузилмаси кесимида меҳнатни муҳофаза қилиш бўйича комиссия таркибини аниқлайди, уларнинг сайлови, ўқувини (ўқув муддатлари ва дастури кўрсатилади) ўз вақтида ташкил этади;

- меҳнат муҳофазаси ва хавфсизлиги бўйича жамоатчилик назоратини ташкил этиш юзасидан республика кўрик-танловини барча номинациялар бўйича (“меҳнатни муҳофаза қилишда энг яхши натижаларга эришган ташкилот”, “ходимларга соғлом ва хавфсиз меҳнат шароитлари яратиш, ходимларнинг меҳнат муҳофазасига бўлган ҳуқуқларини ҳимоя қилишда энг яхши касаба уюшма ташкилоти”, “энг яхши меҳнатни муҳофаза қилиш бўйича вакил”, “меҳнат муҳофазаси бўйича ёш

мутахассис”) ўтказди ва ғолибларни юқори касаба уюшма ташкилотларига тавсия этади;

- йил давомида меҳнат муҳофазаси қоида ва меъёрларининг бузилишига йўл қўймаган ходимларни иш берувчининг маблағлари ҳисобидан меҳнатга ҳақ тўлашнинг энг кам миқдорини __ баробари миқдоридан пул мукофоти билан моддий рағбатлантириш тартибини ўрнатади. Цех, бўлинма, участка, бригада раҳбарлари томонидан тегишли касаба уюшма ташкилоти билан келишилган ходимлар номзоди меҳнат жамоаси мажлисида муҳокама қилингандан сўнг тақдирлашга тавсия этади.

Ижтимоий имтиёз ва кафолатлар тақдим этиш соҳасида

Ходимлар ва уларнинг оила аъзоларининг ижтимоий манфаатларни ҳимоя қилиш, муносиб ҳаёт учун меҳнат қилиш шарт-шароитларини яратиб бериш мақсадида:

119. Ўзбекистон Республикаси Президентининг 2016 йил 28 декабрдаги "Кексалар ва ногиронларни давлат томонидан қўллаб-қувватлаш тизимини янада такомиллаштиришга доир қўшимча чора-тадбирлар тўғрисида"ги ПҚ-2705-сонли Қарорини амалга оширишга ҳар томонлама кўмаклашади.

120. Ўзбекистон Республикаси Президентининг 2017 йил 7 февралдаги ПФ-4947-сонли Фармони билан тасдиқланган 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини амалга оширишга оид Давлат дастурлари доирасида ҳар бир ходимнинг ижтимоий муаммоларини ҳал этишга эришади.

121. Жамоа шартномалари орқали кўп болали ва кам таъминланган оилаларга, меҳнат ва уруш фахрийларига моддий ёрдам кўрсатади, корхонада ишлаб пенсияга чиққан ёлғиз кексалар, пенсионерлар, ногиронлар, имконияти чекланган болалар, кам таъминланган, ёрдамга муҳтож оилаларга моддий ёрдам кўрсатиш учун ҳар йили «Наврўз» ва «Мустақиллик» байрамлари арафасида мақсадли умумхалқ хайрия ҳашарларини ўтказди.

122. Бир йўла тўланадиган моддий ёрдам кўрсатади:

а) ходимлар меҳнат таътилига кетаётганда, биринчи бор никоҳдан ўтаётганда – бир ойлик тариф ставкаси ёки лавозим маоши миқдоридан;

б) ишлаётган пенсионерлар ва Иккинчи жаҳон уруши қатнашчиларига “Хотира ва кадрлаш куни” муносабати билан – Республикада ўрнатилган энг кам иш ҳақи миқдоридан;

в) боласини парвариши учун таътил олган аёлларга - корхонада ўрнатилган энг кам иш ҳақидан кам бўлмаган миқдоридан.

123. Ходимларнинг юбилей саналари муносабати билан (50, 55, 60 ва 70 ёш) уларга ойлик лавозим маоши (ойлик тариф ставкаси)дан кам бўлмаган миқдоридан бир йўла тўланадиган мукофотни тўлайди.

124. Чернобиль АЭСдаги ҳалокатини бартараф қилишда қатнашган ходимларга ҳар йили соғлигини тиклаш учун корхонада ўрнатилган энг кам иш ҳақининг уч баробари миқдоридан моддий ёрдам кўрсатади.

125. Меҳнатга вақтинча қобилиятсизлик бўйича нафақаларини қуйидаги тартибда тўлайди:

а) иш стажининг давомийлигидан қатъий назар вақтинча меҳнатга қобилиятсизлик нафақаси иш ҳақининг 100 фоизи миқдоридан:

- ишлаётган Иккинчи жаҳон уруши қатнашчиларига;

- байналминал жангчиларга ва уларга тенглаштирилган бошқа шахсларга;
- қарамоғида 16 ёшга (ўқувчилар 18 ёшга) етмаган уч ёки ундан ортик болалари бўлган ходимларга;

- Чернобил АЭСдаги авария оқибатларини тугатишда қатнашган ходимларга;

- Чернобил АЭСдаги авария натижасида радиоактив ифлосланиш зонасидан эвакуация қилинган ва кўчирилган, қон ҳосил қилувчи органлар касалликлари (ўткир лейкоз), қалқонсимон без (аденома, рақ) ва хавфли ўсимталар билан боғлиқ касалликларга чалинган ходимларга;

- ядрополигонлари ва бошқа радиактив-ядро объектларида хизмат ўтаган пенсия ёшидаги ногирон ходимларга;

- касб касаллиги ёки ишлаб чиқаришда шикастланганлиги муносабати билан ишга қобилиятини вақтинча йўқотган ходимларга;

б) ижтимоий аҳамиятга эга бўлган касалликлар (сил касаллиги, онкология касалликлари, янгидан пайдо бўладиган хатарли ўсимталар, жисмоний йўл билан ўтадиган касалликлар, рухий касалликлар) бўйича ҳисобда турган ходимларга меҳнатга қобилиятсизлик варақаси умумий иш стажига даврига боғлиқ равишда – иш ҳақининг 60 фоизидан 100 фоизигача миқдорида;

в) бошқа ҳолларда умумий иш стажига қараб иш ҳақининг 60 фоизидан 80 фоиз миқдорида.

126. Икки ёшгача бўлган фарзандини парвариш қилаётган оналарга нафақа пулини корхона ҳисобидан тўлайди.

127. Ишловчи аёлларга ҳомиладорлик ва туғиш бўйича нафақалари тўланишини таъминлайди.

128. Жамоа шартномаларида куйидаги чораларини белгилайди:

а) ишлардаги мувофақиятлари учун тақдирлаш турлари, уларни қўлланиши тартиби, имтиёз ва кафолатларни тақдим этиш тартиби;

б) кам таъминланган ва кўп болали оилалар, ишламаётган пенсионерлар ҳамда ёлғиз кексаларни қўллаб қувватлаш чоралари;

в) маданият, дам олиш ва спорт масканларни хўжалик ҳаражатларини иш берувчи ҳисобидан молиялаштириш тартиби;

г) ҳомиладор аёллар, 18 ёшга тўлмаган ва ишлаб чиқаришдан ажралмаган ҳолда ўқув муассасаларида ўқиб таълим олаётган ходимлар учун ижтимоий қўллаб қувватлаш чоралари.

Аёллар ва ёшлар учун қўшимча кафолатлар тақдим этиш соҳасида

129. Халқаро Меҳнат Ташкилотининг куйидаги Конвенцияларига оғишмай риоя этилишини таъминлайди:

-“Зўраки ёки мажбурий меҳнат тўғрисида”ги 29-сонли Конвенция ва шу Конвенцияга Баённома;

“Тенг ҳақ тўлаш тўғрисида”ги 100-сонли Конвенция;

“Оналикни муҳофаза қилиш тўғрисида”ги 103-сонли Конвенция;

“Меҳнат ва иш турлари соҳасида камситишлар тўғрисида”ги 111-сонли Конвенция;

“Энг кичик ёш тўғрисида”ги 138-сонли Конвенция;

“Болалар меҳнатининг энг ёмон шакллари тўғрисида”ги 182-сонли Конвенция.

130. Жамоа шартномаларида аёллар ва ёшларга имтиёзлар бериш, улар учун маънавий ва моддий қўллаб-қувватлаш чораларини қўллаш масалаларини назарда тутаяди, шу жумладан:

-ҳомиладорлик ва туғиш таътиллари кунини узайтириш;

-болали аёлларга моддий ёрдам кўрсатиш ва қисқартирилган иш вақтини ўрнатиш;

-ўн саккиз ёшга тўлмаган шахсларга, шунингдек касб-ҳунар таълими муассасаларининг битирувчиларига меҳнат муносабатлари соҳасида қўшимча имтиёзлар ўрнатиш;

-узоқ муддат фойдаланиладиган товарлар харид қилиш, уй-жой қурилиши, шунингдек сафарбарлик чақируви захирасида хизмат ўташга ҳақ тўлаш учун ёш ходимларга фойсиз ссудалар бериш.

Маданий-маърифий, жисмоний тарбия ва спортни оммалаштириш, меҳнатқашлар ва уларни оила аъзоларини соғломлаштириш соҳасида

131. Корхонада солиқлар ва мажбурий тўланадиган тўловларни камайиши натижасида ҳосил бўлган даромади ҳисобидан ходимлар ва уларнинг оила аъзоларини соғломлаштиради ва дам олдиради.

132. Ходимлар ва уларнинг оила аъзоларини ҳар йили маданий дам олдириш ва соғломлаштиришни ташкил этади, жисмоний тарбия, гимнастика ва спорт билан шуғулланишига шароит яратади.

133. Корхоналар ходимлари учун доимий равишда маънавий-маърифат соатларни ўтказаяди, бунда республикадаги таниқли адабиёт ва санъат усталари, олимлар ва давлат арбоблари билан давра суҳбат ва учрашувлар ўтказаяди.

134. Ҳар йили кам таъминланган ва кўп болали оилалар аъзолари, Чернобил АЭСдаги фалокатни бартараф этиш иштирокчилари, байналминалчи жангчилар, ишлаётган меҳнат фахрийлари ва ногиронлари ҳамда Ўзбекистон Республикаси олдида хизматлари бор шахсларнинг маълум миқдорини корхона ҳисобидан касаба уюшмалари санаторийларида бепул соғломлаштиради.

135. Болаларни ёзги мавсумида соғломлаштириш учун тизимли чораларни кўради, болалар соғломлаштириш оромгоҳларида “Меҳрибонлик” уйлари тарбияланувчиларидан етим болаларни, шунингдек Оролбўйи минтақасида истиқомат қилувчи болаларни республиканинг экология жиҳатидан қулай минтақаларида соғломлаштиришига қўмаклашади.

136. Соғлом турмуш тарзи ва оммавий спортни ривожлантириш мақсадида тизимдаги меҳнат жамоаларида фаолият юритаётган бир нафар ходимга “Спорт тарғиботчиси” қўшимча вазифасини юклаш ва унинг лавозим маошига 20 фоиз устама ўрнатади.

137. Иш вақтидан сўнг танланган кунларда (ҳафтада камида бир марта) меҳнат жамоасида раҳбар ва барча ходимларнинг жисмоний тарбия ва спорт машғулоти (югириш, футбол, волейбол, Баскетбол, стол теннис, сузмш ва бошқалар) билан шуғулланишини ташкил қилади.

138. Ходимлар учун мамлакатимизнинг Хива, Тошкент, Самарқанд, Бухоро, Шаҳрисабз каби тарихий шаҳарлар ва диққатга сазовор жойларига саёҳатлар уюштиради.

«Устоз – Шогирд» тизимини такомиллаштириш соҳасида

139. Коллеж битирувчилари учун корхонада иш жойларини яратиб, уларга корхона жамоа шартномаси ва бошқа локал ҳужжатларида меҳнат муҳофазаси, иш ҳақи, иш вақти ва дам олиш вақтлари борасидаги барча ишчилар учун белгиланган имтиёз ва кафолатлар кўламини тақдим этади.

140. Коллеж битирувчилари ва амалиёт ўтувчи талабаларни малакасини ва иш тажрибасини ошириш мақсадида корхонадаги юқори малакага эга бўлган мутахассисларни Устоз сифатида бириктиради ва уларнинг иш ҳақига ёш кадрларни ўқитиш ва уларни малакасини орттирганлиги учун ойлик тариф ставкалари ёки лавозим маошларига камида 20 фоизли ўстама ўрнатади.

141. Корхонага янги ишга жойлашган олий ўқув юрти ёки коллеж битирувчиларга Республикада ўрнатилган энг кам иш ҳақининг 5 баробари миқдоридан бир йўла бериладиган моддий ёрдам беради;

142. Коллеж битирувчилар ва корхонада амалиёт ўтаётган талабаларига меҳнат муҳофазаси, ҳавфсизлик техникаси бўйича йўриқнома беради, маҳсус кийим ва пойафзал, ҳимоя воситалари билан таъминлайди;

143. Коллеж битирувчиларни корхонада қўнимлиги таъминлаш мақсадида таъсирчан чора тадбирларни амалга оширади.

Ҳар йилда қабул қилинадиган Давлат дастурларни бажарилиши соҳасида

144. Ижтимоий йўналтирилган Давлат дастурларини ишлаб чиқиш ва амалга ошириш ишларида фаол иштирок этиб, кам таъминланган ва имконияти чекланган болаларни тарбиялаётган оилаларни, ишлаётган оналарни ижтимоий муҳофаза қилиш ва қўллаб-қувватлашнинг қонун ҳужжатларида кўзда тутилган чораларининг амалга оширилишини таъминлайди;

145. Ёлғиз кексалар, пенсионерлар, ногиронлар, имконияти чекланган болалар, кам таъминланган ва қўп болали оилаларга моддий ёрдам кўрсатиш учун ҳар йили “Наврўз” ва “Мустақиллик куни” байрамлари арафасида мақсадли тадбирларни ўтказади;

146. Жамоа шартномалари орқали қўп болали ва кам таъминланган оилаларга, имконияти чекланган болаларни тарбиялаётган оилаларга, уруш ва меҳнат фахрийларига моддий ёрдам кўрсатади;

147. Ходимларга мамлакатимизда ишлаб чиқарилган, узоқ муддат фойдаланиладиган товарлар харид қилиш, шунингдек, ўй-жой қуриш учун фоизсиз узоқ муддатли ссудалар беради;

148. Ўқув йил арафасида корхоналардаги кам таъминланган, боқувчисини йўқотган оилаларни фарзандлари учун дарсликлар, ўқув қуроллари харид қилган харажатларини қоплайди;

149. Фарзандлари 2 ва 3 ёшга тўлгунга қадар таътилда бўлган оналарга Давлат байрамлари арафасида Республикада ўрнатилган энг кам иш ҳақини 3 баробаридан кам бўлмаган миқдоридан моддий ёрдам кўрсатади;

150. Боласи 16 ёшгача бўлган оналарнинг иш ҳафтасини иш ҳақи сақланган ҳолда 1 соатга қисқартиради;

151. Кам таъминланган оилаларнинг фарзандлари учун болалар соғломлаштириш оромгоҳларига йўлланмалар қийматини қоплайди.

Коронавирус ёки бошқа юқумли касалликлар туфайли жорий қилинган карантин чоралари даврида ходимлар учун имтиёз ва кафолатлар тақдим этиш соҳасида:

Ўзбекистон Республикаси Президентининг 2020 йил 19 мартдаги “Коронавирус пандемияси ва глобал инқироз ҳолатларининг иқтисодий тармоқларига салбий таъсирини юмшатиш бўйича биринчи навбатдаги чоратадбирлари тўғрисида”ги ПФ-5969-сонли Фармони ижросини таъминлаш мақсадида қуйидагиларни ўз зиммасига олади:

152. Карантинга оид чоралар амал қилиши даврида ходимларни, айниқса ҳомиладор аёллар, кексалар, имконияти чекланган ҳамда сурункали касалликка чалинган шахсларни, уларнинг розилиги билан, масофадан туриб ишлаш усулига, қулай иш графигига ёки уйдан туриб ишлашга ўтказиш, бунда:

-масофавий ишда ишловчи ходим иш вақтини ўз хоҳишига кўра тақсимланишини ҳисобга олган ҳолда, у томонидан бажарилган ишлар учун бир баравар миқдорда меҳнат ҳақи тўланади;

-ходимга нисбатан иш вақтидан ташқари иш, дам олиш ва байрам кунларидаги иш, шунингдек тунги вақтдаги иш учун меҳнатга ҳақ тўлаш шартлари қўлланилмайди;

-ходим масофавий ишга, уйда ишлашга ёки мослашувчан иш графигига ўтказилганда унинг таътиллар жадвалига мувофиқ меҳнат таътили, вақтинча меҳнатга лаёқатсизлик бўйича нафақа олиш ҳамда қонун ҳужжатларида ва жамоа шартномасида назарда тутилган бошқа ҳуқуқлари сақланиб қолинади.

153. Масофавий ишга ўтказиш юзасидан ходим билан тузилган меҳнат шартномасига киритиладиган ўзгартиришларда Меҳнат кодексининг 73-моддасида назарда тутилган шартлар билан бир қаторда қуйидагилар кўрсатилади:

-**Иш берувчи** ва ходим ўртасида электрон ҳужжат алмашинуви бўйича ўзаро алоқалар тартиби;

-ходимнинг меҳнат мажбуриятларини амалга ошириш учун зарур бўлган жиҳозлар ва/ёки техника воситаларидан фойдаланиш тартиби, агар томонлар тарафидан ходимга тегишли жиҳозлар ва/ёки техника воситаларидан фойдаланиш тўғрисидаги келишув мавжуд бўлса;

-**Иш берувчи** билан доимий алоқаларини таъминлаш мақсадида ходимни алоқа воситалари билан таъминлаш, шу жумладан Интернет тармоғидан фойдаланиш;

-**Иш берувчи** томонидан ходимга берилган жиҳозлар ва техникаларнинг ходимнинг айби билан бузилганда, етказилган зарарни ходим томонидан **Иш берувчига** қоплаб бериш билан боғлиқ шартлар;

-ходим ўз меҳнат вазифаларини бажариш учун шахсий жиҳозлар ва/ёки техника воситаларидан, шунингдек алоқа воситалари, шу жумладан Интернет тармоғидан фойдаланган тақдирда харажатларни қоплаш тартиби ва шартлари;

-ходим ва **Иш берувчининг** зарурий меҳнат муҳофазаси ва меҳнат шароитларига амал қилиш бўйича мажбуриятлари;

-ходимни ишлаб чиқариш зарурияти туғилганда доимий иш жойига ўтказиш шартлари.

154. Ходим пандемия вақтида коронавирус инфекцияси билан касалланганда **Иш берувчи:**

-Касаба уюшмаси кўмитасининг тавсиясига кўра Ўзбекистон Республикасида ўрнатилган меҳнатга ҳақ тўлашнинг энг кам миқдорининг 1,5 баробари миқдорида моддий ёрдам кўрсатади;

-пандемия даврида иш жараёнида касалланган ходимларнинг даволанишига кетадиган харажатлар **Корхона** маблағлари ҳисобидан қопланади;

-пандемия шароитида ходимнинг оила аъзоларидан касалланиб, даволанаётганларга **Иш берувчи** томонидан бир марталик моддий ёрдам кўрсатилади;

-пандемия муносабати билан касаллик юқтирган ходимларнинг соғлиғига шикаст етказилганлиги ёки уларнинг оғир аҳволга тушиши ва соғлиғи тикланмаганлиги муносабати билан **Корхонанинг** молиявий аҳволидан келиб чиқиб, молиявий жиҳатдан қўллаб-қувватлайди;

-юқумли вирус касаллигига чалинган ходимларга моддий ёрдам кўрсатиши, уларнинг даволаниши ва дори-дармонларнинг харажати (шу жумладан, ходимнинг болалари касал бўлса) учун тўловни амалга оширади;

-коронавирус билан оғриб тузалган ходимларни **Корхона** ҳисобидан ҳар 3 ойда бепул тиббий кўриқдан ўтказади;

-ходимларни иш фаолиятлари билан боғлиқ турли юқумли касалликларга чалинишлари мумкин бўлган ҳолатлар ҳақида огоҳлантирувчи маълумотлар билан таъминлайди, стендлар, тарқатма материалларни чоп эттиради;

-меҳнат жамоаси ўртасида коронавирус инфекцияси тарқалиши олдини олиш мақсадида **Иш берувчи** ходимларни иш жойларида антесептик ва зарур санитария-гигиеник воситалар, ниқоблар билан таъминлашни, касаллик учун тест таҳлилларини топширишни, юқумли касалликларга қарши вакцина билан эмлашни, шунингдек иш жойларини, ошхонани, ювиниш хонасини, ҳожатхонани, ишчиларни ташувчи транспорт воситаларини дезинфекция қилиш ишларини **Корхона** ҳисобидан амалга оширади.

155. Пандемия даврида касалланиб вафот этган ходимларнинг оиласига молиявий имкониятдан келиб чиқиб Иш берувчи ёки Касаба уюшмаси кўмитаси маблағлари ҳисобидан моддий ёрдам ажратилади.

156. Ҳукумат ёки Махсус комиссия томонидан карантин эълон қилинганда ходимга қисман ҳақ тўланган ҳолда Иш берувчи ва ходим ўртасидаги келишув орқали белгиланган муддатга таътил тақдим этилади. Бунда ходимга Ўзбекистон Республикасида ўрнатилган меҳнатга ҳақ тўлашнинг энг кам миқдорини _____ бараваридан кам бўлмаган миқдорда ҳақ тўланади.

157. Коронавирус пандемияси даврида ходимнинг асосий меҳнат таътилини олиш ҳуқуқини берувчи иш стажини ҳисоблашда иш ҳақи сақланмаган таътилда бўлган давр ҳам инобатга олинади.

II. “Касаба уюшмаси” мажбуриятлари

158. Иш берувчилар билан муносабатларини ўрнатилган қонунлар, ўз Устави, жамоа шартномалари, мазкур Келишув ҳамда ижтимоий шерикчилик тамойиллари асосида олиб боради.

159. Мазкур Келишув ҳамда жамоа шартномалари билан белгиланган иш вақти ва дам олиш вақти, меҳнат муҳофазаси, иш ҳақи, унинг кафолатлари, ишга қабул қилиш ва меҳнат шартномасини бекор қилиш, бандлик ва бошқа ходимларни қонуний манфаатлари ҳимоясини амалга оширади;

160. Меҳнат ва ишлаб чиқариш интизомини бажарилиши, ички меҳнат тартиби талабларига риоя қилиниши, ижтимоий-иқтисодий масалаларни ечилиши, ходимларга соғлом ва хавфсиз меҳнат шaroитлари яратилиши ва корхонада нормал психологик ҳолатни ташкил этишига кўмаклашади;

161. “Меҳнат муҳофазаси тўғрисида”, “Касаба уюшмалари, уларни ҳуқуқи ва фаолияти тўғрисида қафолатлари” ва бошқа ходимларни манфаатларига тааллуқли меъёрий норматив ҳужжатларни бажарилиши устидан жамоа назоратини амалга оширади.

162. Қуйидагилар устидан жамоатчилик назоратини кучайтиради:

-иш берувчиларнинг фуқаролик жавобгарлигини мажбурий суғурта қилиш тизими билан тўлиқ қамраб олиниши;

-корхона, ташкилот ва муассасаларда меҳнат муҳофазаси бўйича тадбирларни молиялаштириш;

-иш ўринларини меҳнат шaroитлари ва ускуналарнинг шикаст етказиши мумкинлиги бўйича шаҳодатдан ўтказиш;

-ташкilotлар раҳбарларидан меҳнат шaroитлари ва муҳофазаси, шунингдек, ишлаб чиқаришда бошқа барча бахтсиз ҳодисалар ва касб касалликларига доир ахборот олиш;

-меҳнат муҳофазаси аҳволини ўрганиш, иш берувчиларнинг меҳнат муҳофазаси бўйича жамоа шартномаларида кўзда тутилган мажбуриятларни бажаришини назорат қилиш;

-ишлаб чиқариш объектлари ва ишлаб чиқариш воситаларини синаш ва фойдаланиш учун қабул қилиш комиссиялари ишида ҳамда тиббий-меҳнат эксперт комиссияси мажлисларида мустақил эксперт сифатида иштирок этиш;

-ишлаб чиқаришда меҳнат муҳофазаси талабларининг бузилиши ва бахтсиз ҳодисаларни яширганликда айбдор шахсларни жавобгарликка тортиш тўғрисида тегишли органларга муурожаат қилиш.

163. Касаба уюшмалари Федерацияси томонидан меҳнат муҳофазаси бўйича жамоат назоратини энг яхши ташкил этиш юзасидан Республика кўрик-танловида иштирок этиш учун зарур чораларни кўради.

164.Тармоқ тариф Келишув мажбуриятларини жамоа шартномаларига киритилишини таъминлаб, бажарилиши устидан назоратни амалга оширади.

165. Касаба уюшмаси аъзолари учун корхоналарда ижтимоий-иқтисодий, ҳуқуқий масалалар бўйича бепул маслаҳатхоналарни ташкил этади. Янги ишга қабул қилинган ходимлар билан меҳнат қонунчилиги, бу борада уларнинг ҳуқуқ ва мажбуриятлари, касаба уюшмаларига аъзолик афзалликлари бўйича тушунтириш ишларини олиб боради.

166. Ходимлар ва уларни оила аъзоларини соғломлаштириш ва дам олдиришга кўмаклашади.

167. Иш берувчи ва ходим ўртасида меҳнат тўғрисидаги қонунлар ва бошқа норматив ҳужжатларни, меҳнат шартномасида назарда тутилган меҳнат шартларини қўлланиши юзасидан келиб чиққан келишмовчиликларни ҳал этиш мақсадида Иш берувчи ва касаба уюшма кўмитаси томонидан тенглик асосида икки томонлама Якка меҳнат низолари комиссиясини тузади.

168. Меҳнат низолари комиссияси ўз фаолиятини қонун ҳужжатлари ва Ўзбекистон касаба уюшмалари Федерацияси Кенгаши, Ўзбекистон Республикаси савдо-саноат палатаси томонидан тасдиқланган (12.01.2015й.

20-66-сонли, 15.01.2015 й. 01-СП сонли), Меҳнат ва аҳолини ижтимоий муҳофаза қилиш Вазирлиги билан келишилган тавсияларга асосан ишлаб чиқилган Низомга мувофиқ олиб боради.

169. Меҳнат шартномани Иш берувчи ташаббусига кўра бекор қилишга розилик сўраб киритилган тақдимномаси касаба уюшмаси қўмитасида 2016 йил 19 апрелдаги Ўзбекистон касаба уюшмалари Федерацияси Кенгаши Раёсатининг “Касаба уюшмаси органида иш берувчининг тақдимномасини кўриб чиқиш тартиби” 2-11 сонли қарори асосида кўриб чиқилишини таъминлайди.

170. Ходимларни меҳнат шaroитларига тааллуқли меъерий локал хужжатларни ишлаб чиқишда фаол қатнашади.

171. Ўзбекистон касаба уюшмалари Федерацияси орқали Давлат бошқарув органларига меҳнаткашларни иш шaroитига тааллуқли таклифлар киритади.

172. Ходимларда соғлом турмуш тарзини шакллантириш, соғлиқларини мустаҳкамлаш, жисмоний тарбия ва спорт билан фаол шуғулланишлари мақсадида спортнинг ҳар қил турлари бўйича мусобақалар ўтказилади. Тармоқ терма жамоаларининг Республика биринчиликлари ва мусобақаларида қатнашишини таъминлайди.

173. Маданий-маърифий ва соғломлаштириш ишлари бўйича тадбирлар ишлаб чиқади ва уларнинг бажарилишини таъминлайди.

174. Касаба уюшмаси ходимларини малакаларини ошириш мақсадида меҳнат қонунчилиги, ижтимоий ва ҳуқуқий ҳимояси, меҳнат муҳофазаси бўйича ўқув семинарларни ташкил қилади ва ўтказилади.

175. Меҳнат муҳофазаси бўйича комиссиялар тузади ва уларнинг фаолияти устидан назоратни ўрнатади.

176. Меҳнат муҳофазаси бўйича вакилларни сайлаш, уларни ўқитиш ва малакасини ошириш, жамоа шартномаларга уларнинг фаолиятини самарасини оширадиган мажбуриятларни киритилишини таъминлайди.

177. Корхоналарни меҳнат муҳофазаси устидан энг яхши жамоат назоратини ташкиллаштириш бўйича Республика кўрик-танлов конкурсларида қатнашиши учун ташкилий ишларни амалга оширади.

178. Меҳнат бозорида тенглик асосида рақобат қилолмайдиган шахслар учун квоталаштирилган иш жойларни яратилиши устидан назоратни ўрнатади.

179. Корхонада амалиёт ўтувчи коллеж талабалари ва янги ишга жойлашган коллеж битирувчиларга бир мартали моддий ёрдам кўрсатади.

180. Корхонанинг барча бўлимларида меҳнат муҳофазаси мажбуриятлари бажарилиши устидан назорат ўрнатади.

181. Иш берувчининг айби билан иш ҳақи ўз вақтида тўланмаганлиги учун моддий жавобгарлигини жамоа шартномаларига киритилишини таъминлайди.

182. Иш ҳақи ўз вақтида тўланиши, энг кам иш ҳақи стандартларига риоя этилиши, энг кам меҳнат ҳақи Ягона тариф сеткасинининг биринчи разряди ставкасидан кам бўлмаслиги устидан жамоатчилик назоратини олиб боради.

183. Мазкур Келишувни қуйи ташкилотларга етказилади ва бажарилиши устидан доимий мониторинг олиб боради.

Касаба уюшмаси фаолиятини кафолатлаш соҳасида:

Ўзбекистон Республикаси “Касаба уюшмалари тўғрисида”ги қонунига асосан Иш берувчи:

184. Касаба уюшма кўмитасини корхона ходимларининг ягона вакилик органи эканлигини тан олиб, фаолиятига кўмаклашади. Ўзбекистон Республикаси қонунчилигига асосан сайланма касаба уюшмаси ходимларининг меҳнат ҳуқуқлари ҳимоясини кафолатлайди.

185. Касаба уюшма кўмитасига корхонани молиявий-иқтисодий аҳволи, иш ҳақидан қарздорлик миқдори, ишчиларнинг сони, ўртача иш ҳақи, меҳнат муҳофазаси тўғрисидаги ва бошқа Т-1 статистик ҳисоботи, жамоа шартномаси ва мазкур Келишув бажарилишига доир маълумотларни тақдим этади.

186. Халқаро Меҳнат Ташкилотининг “Муассасаларда ходимлар вакилларининг ҳуқуқларини ҳимоя қилиш ва уларга бериладиган имкониятлар тўғрисида”ги 135-Конвенциясига, шунингдек Ўзбекистон Республикаси Адлия вазирлигида 1995 йил 18 декабрда 196 рақам билан рўхатга олинган “Меҳнат муҳофазаси бўйича вакил ҳақида Низом”нинг 12-бандига биноан ходимларнинг куйидаги тоифалари мазкур келишувга кўра касаба уюшмаси кўмитасининг қарори билан ходимлар вакиллари деб эътироф этиладилар ва ҳамкорлик қиладилар:

- а) сайлаб қўйиладиган касаба уюшма органлари аъзолари;
- б) меҳнатни муҳофаза қилиш бўйича вакиллари;
- в) меҳнат низолари комиссиясининг аъзолари.

187. Касаба уюшмаси ҳуқуқларига риоя этади ва унинг фаолиятига кўмаклашади.;

-Ўзбекистон Республикаси қонунчилигига асосан касаба уюшмаси сайланма ходимларининг меҳнат ҳуқуқлари ҳимоясини кафолатлайди;

-ходимларнинг манфаатларига дахлдор қарорлар қабул қилингунига қадар касаба уюшма кўмитаси билан маслаҳатшувлар ўтказади, меҳнат тўғрисидаги қонун ҳужжатларда кўзда тутилган ҳолларда уларнинг розилигини олади;

-касаба уюшма кўмитасининг таклифларини ўз вақтида кўриб чиқади ва унга қабул қилинган қарорлар ҳақида ёзма шаклда, сабабларини кўрсатган ҳолда хабар қилади;

-касаба уюшмаси органлари вакилларини улар манфаатларини ифода этаётган ходимларнинг иш жойларига монеликсиз киритади;

-корхонани молиявий-иқтисодий аҳволи, ишчиларнинг сони, ўртача иш ҳақи иш ҳақидан қарздорлик миқдори, ва бошқа меҳнат статистик ҳисоботи доирасидаги маълумотлар, жамоа шартномаси ва мазкур Келишув бажарилиши тўғрисидаги аниқ ахборотларни Касаба уюшма кўмитасига тақдим этади;

-касаба уюшма кўмитаси таркибига сайланган ва ишлаб чиқаришдаги ишидан озод этилмаган шахсларга касаба уюшмачирига оид мажбуриятларини иш вақтида бажариш учун вақт беради, бунда иш ҳафтаси соатлари сонининг 30 фоиздан кам бўлмайди;

-касаба уюшма кўмитасига жамоа шартномасида белгиланган мақсадлар ва миқдорларда маблағлар ўтказади.

188. Ходимларга ҳисобланган иш ҳақидан (1%) касаба уюшмасининг аъзолик бадалларини марказлашган ҳолда ушлаб қолиб, уларни ўз вақтида касаба уюшмаси кўмитасининг ҳисоб рақамига ўтказади.

189. Касаба уюшма кўмитаси ўз фаолиятини амалга ошириш учун хизмат хонаси, мебел, транспорт, алоқа воситалари ва канцелярия моллари билан бепул таъминлайди, ишларида зарур бўладиган ахборот воситалар билан таъминлайди, шу жумладан “Ишонч” ва “Ишонч-Доверие” газеталарига обуна бўлишда кўмаклашади;

190. Касаба уюшма кўмитаси аъзоларига касаба уюшмаси юқори органлари томонидан чақириладиган Курултой, Пленум ва Раёсат мажлисларида, турли комиссиялар ишида, ўқув семинарларида қатнашиш ва бошқа меҳнат жамоаси манфаатларини ифода этиш буйича вазифаларни адо этиш учун, иш ҳақи сақланган ҳолда ишдан ҳоли вақт ажратади ва зарур ҳолларда хизмат сафари ҳаражатларини (бориш ва келиш, суткали ҳаражатлар, меҳмонхонада яшаш ва ҳ.к.) корхона ҳисобидан қоплайди.

191. Ҳар чоракда иш ҳақи фондининг 1,0 % миқдоридида маблағни куйидаги мақсадларга касаба уюшмаси кўмитасининг ҳисоб рақамига ўтказида:

-меҳнат жамоаларида маданий–маърифий, жисмоний тарбия, спорт-соғломлаштириш ишларини амалга ошириш;

-ходимларни ижтимоий қўллаб-қуватлаш чораларини амалга ошириш.

192. Ходимларни ижтимоий манфаатлари ҳимоясига доир масалаларни ҳал қилиш мақсадида касаба уюшмаси Республика Кенгаши раиси Кўмитанинг коллегияси йиғилишларида қузатувчи сифатида иштирок этади, бошланғич касаба уюшма кўмитаси раиси корхонанинг бошқарув органига киритилади.

193. Асосий ишдан озод этилган касаба уюшма кўмитаси раисига корхона раҳбари ўринбосарининг иш ҳақи миқдоридида лавозим маошини белгиланади.

194. Касаба уюшма кўмитасининг ҳақ тўланадиган аппарати (раиси)ни сақлаб туришга маблағ етишмаган ҳолларда, иш берувчи ва касаба уюшма кўмитасининг ўзаро келишувига асосан, унга иш берувчининг маблағлари ҳисобидан устама ўрнатиш тартиби жамоа шартномасида белгилайди.

195. Асосий ишдан озод этилмаган касаба уюшма кўмитаси раисига меҳнат жамоаси манфаатини кўзлаб жамоат ишларини бажаришга, шунингдек касаба уюшмаси ўқувида қатнашишига ўртача иш ҳақи сақланган ҳолда бўш вақт беради.

Касаба уюшмаси кўмитаси раиси ва аъзоларига юқори касаба уюшмалари органлари томонидан чақириладиган Курултойлар, Пленум ва Раёсат мажлисларида, турли комиссиялар ишида, ўқув семинарларида қатнашиш ва бошқа меҳнат жамоаси манфаатларини ифода этиш буйича вазифаларни адо этиш учун, иш ҳақи сақланган ҳолда ишдан ҳоли вақт ажратади.

IV. Ижтимоий мулоқот ва ижтимоий шерикликни ривожлантириш соҳасида

196. Долзарб ижтимоий иқтисодий масалаларни муҳокама қилиш учун касаба уюшмаси фаоллари ва иш берувчи вакиллари билан давра суҳбатларини ташкил этади;

197. Касаба уюшмани ҳуқуқларига риоя этиб, корхонада унинг қонун билан белгиланган тартибда тузилиши ва фаолият юритишига тўсқинлик қилмайди;

198. Корхона ва ташкилотларда жамоа шартномаларини – март ойдан кечиктирмай тузади;

199. Касаба уюшмаси Республика кенгаши раисини “Тошшаҳартрансхизмат” АКнинг бошқарув органи ҳайъати таркибига киритади.

Бошланғич касаба уюшма кўмита раисини корхонанинг бошқарув коллегиял органига киритади.

Ү. Келишувни амалга ошириш механизми

200. Мазкур Келишув 2021-2023 йиллар учун тузилган бўлиб навбатдагиси қабул қилинганга қадар “Тошшаҳартрансхизмат” АК тизимидаги корхона ва ташкилотларида амал қилади.

201. Мазкур Келишувга имзо чеккан Тарафларнинг ҳар бири унга аввал олинган мажбуриятларнинг бажарилишига тўсқинлик қилмайдиган ўзгартириш ва қўшимчалар киритиш юзасидан таклифлар беришга ҳақлидир. Ушбу таклифлар Тарафларнинг ўзаро розилиги билан қабул қилинади.

202. Мазкур Келишув билан ўрнатилган мажбуриятлари корхоналарни жамоа шартномаларига киритилиши орқали амалга оширилади.

203. Тарафлар мазкур келишувнинг амал қилиш даврида қуйидагиларни зарур деб ҳисоблайдилар:

а) ижтимоий-меҳнат муносабатларининг энг муҳим масалалари юзасидан Тарафларнинг манфаатларига тааллуқли қарорлар қабул қилишдан олдин ўзаро маслаҳатлашувлар ўтказиш;

б) ҳар йили камида бир марта Келишувни корхонада бажарилишини муҳокама қилиш, жорий йилда бажарилиши туғрисида ҳисоботлар келгуси йилнинг феврал ойидан кечиктирилмасдан тармоқ кесимида умумлаштирилиб томонларнинг қўшма мажлисида муҳокама қилиш.

204. Тарафлар мазкур Келишувни ижтимоий шерикликнинг асосий ҳужжати деб эътироф этадилар, шу билан Келишувга амал қилиш, унинг шартларини тўла ҳажмда бажариш мажбуриятини ўз зиммаларига оладилар.

205. Тарафлар корхоналарда мазкур Келишувни бажарилиши устидан назоратни амалга ошириш ва Келишув бажарилмаган ҳолатлари туғрисида ўз вақтида хабар олиш мақсадида икки томонлама комиссияни тузади ва унинг фаолиятига қўмаклашади.

ҮІ. Келишувнинг амал қилиши, уни амалга ошириш механизми ва бажарилиши учун тарафларнинг жавобгарлиги

206. Мазкур Келишув 2021-2023 йиллар учун тузилган бўлиб янгиси қабул қилинганга қадар амалда бўлади. Келишув “Тошшаҳартрансхизмат” АК таркибига кирувчи касаба уюшмаси ташкилотини тузган ташкилот ва корхоналарига тааллуқлидир.

207. Тарафлар мазкур Келишувни ижтимоий-иқтисодий масалалар хусусида келишиб сиёсат олиб боришнинг умумий принципларини белгилаб берувчи ижтимоий шерикликнинг асосий ҳужжати деб эътироф этадилар шу билан мазкур Келишувга амал қилиш, унинг барча шартларини бажариш мажбуриятини ўз зиммаларига оладилар.

208. Келишув мажбуриятларини бузган ва бажармаганлиги учун мансабдор шахслар Ўзбекистон Республикаси Меҳнат Кодексининг 34 моддаси ҳамда Маъмурий Кодексининг 49 моддаси билан ўрнатилган тартибда жавобгардирлар.

209. Келишув амал қилиш муддатида, мазкур Келишувга имзо чеккан Тарафлар яқка тартибда Келишувни ўзгартириш ёки олинган мажбуриятларини тўхтатишига ҳақли эмас.

210. Мазкур Келишув билан ўрнатилган меъёр ва мажбуриятлари Қорақалпоғистон Республикаси вилоятлар ва Тошкент шаҳрида фаолият

кўрсатаётган «Тошшаҳартрансхизмат» АК таркибига кирувчи корхоналар ва ташкилотларни жамоа шартномаларига киритилиши оркали амалга оширилади, бунда жамоа шартномалари март ойидан кечиктирмай тузилади.

211. Тарафлар мазкур Келишувнинг амал қилиш даврида қуйидагиларни зарур деб ҳисоблайдилар:

а) ижтимоий-меҳнат муносабатларининг энг муҳим масалалари юзасидан Тарафларнинг манфаатларига тааллуқли қарорлар қабул қилишдан олдин ўзаро маслаҳатлашувлар ўтказиш;

б) ҳар йилнинг якуни бўйича Келишув бажарилишини ўрганиб томонларнинг қўшма мажлисида муҳокама қилиш, аниқланган камчиликларни бартараф қилиш;

212. Мазкур Келишувга имзо чеккан Тарафларнинг ҳар бири унга аввал олинган мажбуриятлар бажарилишига тўсқинлик қилмайдиган ўзгартириш ва қўшимчалар киритиш юзасидан таклифлар беришга ҳақлидир. Ушбу таклифлар Тарафларнинг ўзаро розилиги билан қабул қилиниши мумкин.

213. Мазкур Келишув бажарилиши устидан назоратни Тарафлар томонидан тасдиқланган икки томонлама комиссияси амалга оширади.

214. Томонлардан бирининг қайта ташкил этилиши ҳолатида Келишувнинг бажариш ҳуқуқи ва мажбуриятлари унинг ўрнига ташкил этилган ворис ташкилотга ўтади ва янги Келишув қабул қилингунгача ёки амалдаги Келишувга қўшимча ва ўзгартириш киритилгунгача ўз кучини сақлаб қолади.

«Тошшаҳартрансхизмат»
акциядорлик жамияти Бошқаруви
раиси



А.З.Джураев

Ўзбекистон транспорт, йўл ва
капитал қурилиш, қурилиш
индустрияси ходимлари касаба
уюшмаси Республика Кенгаши
раиси



А.К.Нугманов

